



28

Augustianie

80.



Aug.

28



POLITICA ARISTOTELIS  
Continuis aphorismis  
ab Erycio Puteano  
genuine exhibita

Hantisci sumptibus Georgii Försteri 1646.  
Cum Privilegio. S. R. M. Polônia et Svec.

Institia polit.

Systema Pol.

Spend.  
Polit.

IV. 24.

Conventus Cracoviensis  
S. P. Augustiniano  
rū / Catharini



ERICI PUTEANI  
BAMELRODI  
CIVILIS DOCTRINÆ  
LINEÆ,

QVIBUS  
ARISTOTELIS  
POLITICORUM

LIBRI TRES PRIMI,

Ad perpetuos reducti APHORIS-  
MOS, Latine, breviter, ac di-  
lucidè repræsentantur.

*Alibi RIVI, hîc FONTES.*



D ANTISCI,  
Sumptibus GEORGI FÖRSTERI  
M. DC. XLVI.

---

Cum Privilegio S. R. M. Poloniæ  
& Sveciæ.

ILLVSTRISSIMO  
AC REVERENDIS-  
SIMO DOMINO,

DOMINO  
STANISLAO  
DE BUZENIN PSTRO-  
KONSKI EPISCOPO CHEL-  
MENSI, Præposito Plocen-  
si &c. &c. Domino ac Patro-  
no colendissimo

**L**ineas aliquot tibi fero, ILLV-  
STRISIME ac REVE-  
RENDISIME Domine, non  
quæ tui splendoris radios augeant,  
sed quæ à TE Illustrissimo, lumina  
habeant. Neq; verò alteri præter-  
quam, tibi, eas dedicandas censui,  
cujus

## DEDICATIO

cujus animus, jam inde ab ipsa iu-  
 venta, Matheseos studio sacer au-  
 dit, habetq; id cum Principibus  
 commune, ut se astris inserat :  
 quæ ut liberiori acie contem-  
 pleris Puteanum - puteum penè dixissem,  
 tibi affero. Lineas hic videbis,  
 & Rectas, quibus Civis regatur,  
 & Sphæricas, quæ orbis mores  
 complectantur. Duxit hîc opti-  
 mus Author, magnis scriptoribus,  
 sin minus superior, sane par, boni  
 Civis lineas (ut cui nulla dies sine  
 linea) habiturus maximum sui la-  
 boris præmium si Tuis manibus  
 volvetur. Nempè Tu Illustris-  
 sime Domine Reipublicæ Polonæ,  
 civis, aut verius, pater es, cui  
 jus

jus prudentia reliquos regat, Sapientia judicat, Sanctitas provebat. Celsitudo deniq<sup>3</sup> in sui admirationem rapiat, & quod libri hujus facies habet, de Virtute Tua Illustrissime Domine meliori modo dictum arbitror Alibi rivi hic Fontes, Plures tibi velut fonti acceptum referunt quod etiamnum sua felicitate affluant. Imo & ipse Regni manipulus Tuis consiliis irrigatus, Suae aliquid integritatis Tibi debet. Atq<sup>3</sup> ut Fons suâ semper viget immortalitate, ita ut & Tu perennes atq<sup>3</sup> in hunc Puteum Tuum derives affectum omnibus precor votis.



DEDICATIO

5


*tis. Vive Illustrissime Domine,  
Patriæ, Civibus, Tuisq<sup>3</sup> Diutis-  
simus, Felicissimus, Sanctissi-  
mus & Vale.*

Illustrissimæ ac Reve-  
rendissimæ Celsitu-  
dini Tuæ Devotis-  
simus Cliens.

Georgius Försterus.

PLUTARCHUS  
CATONE MAJORE,

**T**ῆς Πολιτικῆς ἀνθρώπος ἀρετῆς  
ἢ κτᾶται τελειότεραν. Vir-  
tute Politicā nullum homo præ-  
stantiorem possidet.



AD  
CIVEM ET VIRUM  
BONUM.

**N**OVUM hoc scri-  
bendi genus, an  
ab Eloquentiâ  
abeat, nescio;  
ad Sapientiam accedit. LI-  
NEÆ imò APHORISMI sunt;  
sed illius Doctrinæ, quæ  
Rempublicam continet;  
& ab illo sumptæ, qui unus  
perenni Scriptorum laticè  
ostendere potuit, quid sit  
sapere, & cum laude in-

Republicâ versari. Frustrâ Schola, nisi huc ducat: ego autem, ut benè de Iuventute mererer, viam, nulli hætenus tentatam, ingressus sum, & quicquid Philosophus Tribus his quidem Primis libris diceret, Latinâ luce, quasi amœnitate, perfudi. Quis vetat, pleni laboris conatum à parte operis sumi? Sed si hæc imago placet, totum mox Aristotelem transformabo. Hujus propè unius fuit,



ET VIRUM BONUM.

fuit, scire òmnia, vel paucissima ignorare: scire Rempublicam, ordinare, regere. Sic leges condas, sic ex æquo & bono statuas, sic pacem colas, bellum geras, officia boni Viri & Civis exprimas. Sed inter eos omnes qui de Republicâ scripsêre, nemo aptior Scholæ, nemo utilior juventuti, si intelligatur. Intelligetur autem (nisi fallor) APHORISMIS istis, qui totam hanc doctrinam sine nube

aut

AD CIVEM

aut nebulâ repræsentant:  
sensu juncti, & tamen se-  
parati. Singuli, tanquam  
flores carpi possunt, & sen-  
tentiaë loco esse: interim  
nec orationis seriem fra-  
ctam aut divulsam esse, ne-  
xus perpetuus ostendit.  
Quot membra, tot corpo-  
ra sunt: & corpus unum  
orationis plura membra,  
in continuum compacta,  
sensum, continet. Sed  
quod ego breviter & suc-  
cinctè, id Divino Vir inge-  
nio DANIEL HEINSIUS,  
ævi

ET VIRUM BONUM. IV  
ævi sui eruditionem elegantia famâ supergressus, copiosè ac facundè. Vnus etiam ille potuit, quod nullus. Nam postquam Paraphrasten Aristotelis in Ethicis felicissimè vertisset, in Politicis Paraphrasten pari ipse laude egit, veram Philosophi mentem admirabili Sवादæ felicitate explicans. Non aliud igitur industriæ hîc meæ relictum erat, nisi ut novam stili tentarem operam, & solis expri-

primerem LINEIS Do-  
ctrinæ Politicæ imagi-  
nem, ubi jam colores  
erant. Paraphraſtes cū-  
à Brevitate recederet,  
plenam Auctori lucem  
attulit: ego cū à copia,  
hoc inprimis egi, ut ef-  
fugerem obſcuritatem.  
Geminâ hac ratione Sta-  
girites noſter, qvi pul-  
cherrimus erat, facilis eſ-  
ſe potuit, qvi omnia do-  
ceret, ab omnibus intel-  
ligi, qvi negligi cœperat,  
ad uſum revocari. Pre-  
tio



tio metimur omnia: sed  
æstimari Aristoteles de-  
siit, postquam nostro ma-  
luimus ingenio Philoso-  
phari, nomine magis,  
quàm doctrinâ tanti Viri  
retentâ. Inter omnia ve-  
rò, quæ divinâ magis  
quàm humanâ manu scri-  
psit, nihil minùs in ma-  
nu, quàm quod utilissi-  
mum est: & tanquàm  
nihil vel ad Scholam, vel  
ad Rempublicam Politi-  
ca facerent, solis in Lo-  
gicis hodie, Physicis, aut  
Meta-

Metaphysicis sudatur.  
Thesaurum malo, quàm  
supellectilem: sed nos  
passim supellectilem  
doctrinæ à Philosopho sum-  
imus; thesauro ejus vix  
libamus. Nimirum sci-  
mus supellectilem, nesci-  
mus thesauros esse. Quia  
igitur in Scholâ plerique  
Rempublicam non dis-  
cunt, in Republica ha-  
bere Scholam incipiunt,  
& ad neglecta, imò ad  
contempta studia redire.  
Nonnulli, tanquàm satis  
in

ET VIRUM BONUM 15.

in usu præsidii fit, malas  
ingenii artes occupant,  
& versutiam scientiæ lo-  
co habent, cavillationem  
doctrinæ. Scilicet do-  
lis ac fallaciis uti, pul-  
chrum est, & aliquid, si  
Displacet, Tiberiani Ge-  
nii adumbrare. Pul-  
chrum est, *aliud clausum*  
*in pectore*, ut cum Sallu-  
stio dicam, *aliud in lin-*  
*guâ promptum habere*,  
*amicitias inimicitiasq;*  
*non ex re, sed ex commo-*  
*do æstimare; magisq; vul-*  
*tum;*


*tum, quàm ingenium  
bonum habere.* Non-  
nulli hæc quoque ad scri-  
ptionem vitia referunt:  
quasi Docti aut Politici,  
si & rudem calamum si-  
mulatione imbuant; si,  
quod sæpius jam scriptum  
est, scribant. Sed hi pro-  
fectò tam à FONTIBUS  
alieni sunt, ut tanquàm  
ranæ circa paludes stre-  
pant: tam ab Aristotele,  
ut nesciant propemo-  
dum, an & Politica ille  
scripserit. Vt Docti su-  
sti-



stineas nomen, multis artibus opus est; ut Politici, non unâ virtute. VIRUM & CIVEM BONUM tibi propone, doctrinâ instructum, Reipublicæ peritum, qui Patriæ magis quàm suis commodis intentus, non quod utile, sed quod honestum est sectatur. Nobis satis fuit, Veteres contemplari: satis, quicquid ab Aristotele dictum est, Brevissimis LINEIS ad APHORISMOS

mos ducere, aliquid etiam, si modum scribendi spectes, novi præstare. Hoc autem quod damus, auspiciū est: Tres jam libri, & in specimen producti; quorum primus fundamenta Civitatis, & Familiæ rationem continet; Secundus Respublicas præcipuas, antiquitas five Descriptas, five Institutas; Tertius Monarchiæ & Aristocratiae explicationem. Cogita, quisquis CIVIS & VIR BONUS

ET VIRUM BONUM  
NUS es, Prælectiones has  
quasdam meas, sed Poli-  
ticas esse: LINEAS esse,  
quibus inter docendum  
& dicendum Eloquentiæ  
& Historiæ colores acce-  
dant. Salve, & reliquos  
Libros, si hi quidem pla-  
cent, expecta.



INDEX

# INDEX CAPITUM LIBRI PRIMI.

**C**APUT I. *Societas Civilis:  
ejus finis, & partes.*

II. *Civitatem naturâ consistere: & naturâ hominem animale esse Civile.*

III. *Familia, ejusq; partes: præcipuè Dominus & Servus. An hic naturâ?*

IV. *Quomodo & à naturâ, & à lege Servitus.*

V. *Res familiaris, & ratio acquirendi naturalis: vivendi modus, veræ divitiæ.*

VI. *Ratio acquirendi artificiosa, sive permutatio. Nummi inventio.*

VII. *Acquirendi ratio, Oeconomica Politicaq; ministra est: ejus usus.*

VIII. *Potestas Conjugalis, & Patria. Virtutes Oeconomica, sive imperium, sive obsequium spectet.*

LIB. II.



## LIBRI SECUNDI.

**C**APUT I. Platonis opinio de  
communione, quâ Vna maximè  
reddatur Civitas, examinata.

II. Platonica uxorum ac liberorum  
communio Reipublicæ pernicioſa.

III. Bonorum pariter communio re-  
jecta.

IV. Altera Platonis è libris de Legi-  
bus Reſpublica pariter refutata.

V. Phaleæ Chalcedonenſis de Republi-  
ca opinio.

VI. Reſpublica Hippodami Mileſii ad  
examen vocata.

VII. Reſpublica Lacedæmoniorum.

VIII. Reſpublica Cretenſium.


IX. Reſpublica Carthaginienſium.

X. Reſpublica Athenienſium, ſive So-  
lonis, aliæq; aliorum.

## LIBRI

## LIBRI TERTII.

- C**AP. I. Civitatis, & Civis ratio.  
II. Quomodo, & quando Civitas  
eadem, & non eadem.  
III. An eadem Civis boni & Viri Vir-  
tus.  
IV. Origo Rerumpublicarum ac di-  
versitas.  
V. Rerumpublicarum divisio, in Re-  
ctas & Viciosas.  
VI. De Democratia & Oligarchia.  
VII. De Imperio Democratico.  
VIII. Diversa Reipublica bona. Ma-  
gistratus creandi modus.  
IX. Virtus in eminente Cive expensa.  
Ostracismus.  
X. De Monarchia, antiquissima Rei-  
publicæ formâ.  
XI. De pleno Regno, & an ab uno  
regi expediat.  
XII. Regnum plenissimum, & summa  
potestatis.



ERYCI PUTEANI  
BAMELRODI  
CIVILIS DOCTRINÆ  
LINEÆ,

QVIBVS  
ARISTOTELIS  
POLITICORUM

LIBER PRIMVS,

*Ad Perpetuos reductus APHO-  
RISMOS, representatur.*

---

PRÆFATIUNCULA.

**N**OBILISSIMUM do-  
ctrinæ argumentum à  
Republicâ sumitur;  
quod cùm omnibus fa-  
miliare sit, uni potissimum notum  
fuit, virorum, si ingenium specta-  
B mus,

mus, summo; si doctrinam, perfectio. Aristoteles est, & hoc satis, ut laudetur. Hunc scire & intelligere, erit Politicum esse: quod unum hodiè nomen æstimatur. Agam nunc verò Prælectionibus publicis, ut sciri & intelligi queat, compendio utilis, ordine facilis, lumine clarus. Quemadmodum vitro colliguntur rerum imagines, & in minorem formam eunt: ita universa hæc doctrina rerum ubertate diffusa, brevibus LINEIS, & velut circulis claudetur; perpetuos ad usum tam Scholæ, quam Aulæ APHORISMOS datura, qui totam tamen Philosophi mentem, & sine nube, exprimant. Quid rivos sequeris? Hi FONTES sunt, non amœni tantum, ut oblectari possis; sed utiles, ut erudiri atque imbui. Accede & hauri: quod pulcher-

cherrimum est, facile jam invenies quod optimum, ingenio & elegantia suâ instructum. Breviter, capies Scriptorem, à quo, defectu lingvæ, & Schola hætenus, & Aula abhorruit.

---

## LIBER PRIMUS.

## Argumentum.

**E**LEMENTA *Doctrina Politica*  
velut à natura insita. Societas Civilis, tanquam summum bonum. Civilis à Domesticâ oritur. Domestica viri & uxoris est, domini & servi, patris & filii. Hæc quia domo continetur, privata est: junge domos, vicus nascetur, domorū quasi domus: junge vicos, civitas existet, partibus suis perfectior nobiliorque; quippe publica, & tanquam completum natura opus. Stare verò absq; subsidio fortunarum nulla

*societas potest. Hæ acqvirendæ sunt: Sed modus & ratio partim à naturâ, partim ab industria & arte est; partim honesta, partim inhonesta; partim privata, quæ Domum auget; partim publica, quæ Civitatem. Regimine quoque, sive imperio velut fulcro opus: quod nisi adsit, Societas corrui. Imperii causæ naturales quoque sunt, ac naturaliter maritus uxorem Politico imperio habet, pater filium Regio, herus servum Tyrannico, sive violento; licet à violento natura abhorreat. Publica autem gubernandi ratio hæc pariter formas Politicam, Regiam, Tyrannicam accepit.*

### CAPUT I-

*Societas Civilis: ejus finis, & partes.*

**C**Um ad bonum omnia, vel ad speciem boni dirigantur, etiam boni causâ Societas omnis constituta est.

Nulla



Nulla præstantior, quàm quæ publica est, & summum bonum continet: hæc autem Civitas, sive Civilis Societas appellatur.

Aliud autem est Civitatem, aliud Domum ac Familiam regere; licet Civitas, magna quædam Familia; Familia, parva Civitas videatur.

Alius etiam Dominus censendus, alius Paterfamilias, alius Rex; licet omnes imperent.

Dominus quidem, uni, vel paucis, Paterfamilias pluribus, Rex multis

Sed diversum in paucos, in plures, in plurimos imperium est.

PRIMA igitur Societas Familia est, pars & origo Civitatis.

Prima, & viro ac muliere constat, domino ac servo.

Viri & mulieris conjunctionem natura generationis causâ esse voluit; domini ac servi, utilitas.

Hinc

Hinc sanè & vir mulierem appetit, & mulier virum; tanquàm alter sine altero esse non possit.

Id quoque tam animantibus, quàm stirpibus insitum; ut quale unumquodque est, tale alterum, & sui simile relinquat.

Deinde, ita à naturâ homo factus; ut si mente excellat, imperio; si corpore, obsequio destinetur.

Quâ quidem ratione, herus servo, quia imperat; & servus hero, quia paret, utilis est.

Mariti igitur & domini, imperium est; uxoris & servi, obsequium.

Aliter tamen maritus imperat, aliter dominus; aliter uxor obsequitur, aliter servus, ut aliud esse uxorem scias, aliud servum.

Sane opulenta natura est, & ad finem unum non multa, sed singula refert: servum in usum domini, mulierem in usum viri.

Vile putes, quicquid cum Gladio Delphico comparatur: quicquid enim non uni deferuit rei, tanquam Gladius Delphicus est.

Barbarum quoque putes, servi loco feminam esse; contubernio magis, quam matrimonio conjungi.

Fœmina matrimonium facit, servus contubernium: compone utrumque, Familiam habes.

Hesiodus rectè:

*Sit domus imprimis, uxorque, &  
taurus arator.*

Ejusdem Familiæ sunt, qui usu vitæ quotidiano eundem Larem colunt, Charondæ ὁμοσίπυοι, ejusdem cibi, Epimenidi Cretenfi ὁμό-  
καπνοι, ejusdem foci, vel fumi.

SECUNDA Societas Vicus est, plurium domorum collectio, & familiarum, ducente naturâ, colonia.

Qui sic juncti, Lare disjuncti sunt,

sunt, nomine ὁμογάλακται, sive  
*Collatanei.*

*Et nati natorum, & qui nascentur ab illis.*

Familiæ quoque exemplo regi  
Civitates ab uno olim solitæ, &  
postea Gentes: quippe è familiis,  
civitates constitutæ sunt.

Quia enim unus in familia pater,  
unum in cognatione caput; unus  
deinde in civitate Rex erat. Imò  
Pater tanquam Rex, Rex tanquam  
Pater.

Dispersi sic olim Mortales, Ho-  
mero teste, vivebant.

————— *Quisque gubernat  
Vxorem jure ac gnatos.*

Etiam popularis opinio Diis im-  
mortalibus Patrem atque Regem  
unum dedit, ut & in cœlo familia,  
imò regnum videretur.

Homines sanè, ut pulcherrimos  
Deos

Deos facerent, humanâ formâ censuerunt: ut antiquissimos, humanâ pariter, sed primigeniâ vivendi ratione.

Voluerunt vel ipsi quodam modo Diis similes esse, vel Deos sibi.

## CAPUT II.

*Civitatem naturâ consistere: & naturâ hominem animal esse.*

*Civile.*

**P**erfecta demum Societas, Civitas est, è pluribus Vicis constituta.

Fit illa quidem vitæ causâ, & indigentia cogente; sed ipsa beatæ interim vitæ causa est.

Civitatem à naturâ esse, Domus ipsa & Vici indicant: à naturâ sunt.

Homo quoque animal naturâ Civile est: improbus, aut certè major homine, qui ingenio ac indole,

B 5 non

non casu ac fortunâ Civilis non est.

Qvi Homeri verbis:

*Fure, domoque, tribuq; caret.*

Inter animalia verò omnia solus  
â naturâ (quæ nihil frustra facit)  
sermonem homo accepit.

Cæteris quidem vox data, quasi  
muta quædam loqvela; ut, quia  
molestum atque jucundum senti-  
unt, significant quoque.

Illius est, quod utile & inutile,  
& hinc verò quod justum, & inju-  
stum, complecti ratione, verbis &  
oratione explicare.

Naturâ etiam Civitas prior est,  
origine Domus.

Pars enim Civitatis Domus est;  
& qvi agit, licet à partibus ordia-  
tur, prius tamen cogitat de toto, fi-  
nem rei & perfectionem spectans.

Jam verò sublatâ Civitate ne Do-  
mus quidem erit, ac desinemus sin-  
guli



guli: ut sublato corpore, manus quoque interit, nisi jam mortuam, velimus manum *ὀμνύμεν* appellare.

Quisque nostrum in Civitate, ut in corpore, manus est: subsistimus & floremus cum toto, perimus aut laboramus.

Si quis verò, sive immanitatem indolis, sive fortunarum fiduciam, Civilem societatem fugit, aut bestia, aut Deus est.

Homines igitur nisi à nomine suo, imò à naturâ ipsâ alieni sint, Societatem istam appetunt, magno sanè bono & inventam, & constitutam.

Nonne magnum, nonne bonum dixero, lege mortales & jure contineri? hæc Civitas, sive Civilis Societas est.

Legem & jus tolle, Civitas non  
erit

erit ; tolle Civitatem , jus non erit : optimum naturâ animal , deterri-  
mum licentiâ evadet.

Erras , si nuditatem objicis ho-  
mini : mente & ingenio armatus  
est , & sic nascitur : tantò brutis im-  
purior immaniorq̃ , si in vitia incli-  
nat , qvantò malitia ratione instru-  
cta validior.

Venere etiam aut ventre abripi  
& mergi facilè est , cùm Virtutem  
voluptas pepulit , & sibi quisque  
relictus est.

Quid attinet dicere ? Civili So-  
cietate opus , ut homo tandem ho-  
mo sit ; imò Iustitiâ opus , quæ vir-  
tus maximè civilis est.

A Iustitiâ autem Judicia sunt , fe-  
licitatis velut munimenta ; quæ  
leges opponunt moribus , & Cives  
legibus obnoxios reddunt.

CAPUT.

LIBER I.  
CAPUT III.

35

*Familia, ejusq; partes: præcipuè Dominus, & Servus. An hic naturâ?*

**C**ivitatis partes Familiæ sunt: Familiarum Servi Liberiq;.

Distinctiùs: Dominus & Servus, Vir & Uxor, Pater & Liberi Familiam, sive Domum faciunt: ad Familiam autem Ratio rei familiaris, sive pecuniæ quærendæ.

Forma Herilis prima est, & Dominum Servumq; spectat: quam nihil ab Oeconomica differre Plato censuit, imagine Reipublicæ, & Regni.

Alii, omninò contra naturam, atq; adeò injustè institutam.

Sed si res familiaris & possessio pars domûs est; etiam ars sive scientia, quâ res familiaris augetur, domesticæ rationis pars est.

Non

Non potest enim sine re familiaris benè beateq; vita institui, ac ne institui quidem.

Ut verò omnium artium : ita & vivendi, atq; benè beateq; vivendi instrumenta sunt : proreta animatum, clavus inanimum.

Hoc quidem discrimine res familiaris quot membra & partes habet, in tot instrumenta divisa est : sed reliqua inanima sunt, servus animatum, & quasi ante omnia.

Animato opus, ut inanima moveantur. Neque enim omnia vel Dædali signa, atq; αὐτόματα sunt, vel Vulcani tripodes, ad Sacrum agonem, ut Homero placet, sponte suâ euntes.

Instrumenta verò alia efficiunt aliquid, & propriè instrumenta sunt ; ut radius, & securis ; alia agunt, & usum duntaxat habent, ut tela, & mensa.

Qvæ

Quæ Oeconomica sunt, agunt, non efficiunt; cum vita ipsa actio duntaxat, non effectio sit: sed servus, eorum quæ agunt, non quæ efficiunt, minister est.

Servus autem domini est, quia membrum & pars rei familiaris: domini, non tantum comparatione & nomine, sed naturâ & proprietate.

Dominus igitur servi dominus est, servi non est: servus & dominus servus est, & domini.

Et quis est servus? qui cum homine sit, naturâ tamen non est suus, aut sui juris.

Suus autem non est, qui in potestate alterius est, & possidetur, membrum & pars rei familiaris; imò verò instrumentum, agens quidem, sed quod separari ab utente potest.

Sed an naturâ, & iustè quis sit servus, explicandum est. Na-

Natura quidem alia imperio, alia obsequio, utilitatis causâ, destinavit.

Præstantius imperium est, quod in meliora exercetur: præstantius in hominem, quàm in belluam; & ab homine regi, quàm à belluâ melius est: nempe à meliori.

Quid? Ubicumq; unum aliquid & commune est, quod tamen constat è pluribus, sive conjunctis, sive disjunctis, imperium obsequiumq; invenias.

Conjuncta homo exhibet, qui è corpore & animo constat, & unus est.

Disjuncta, grex vel legio, ex ovibus vel militibus composita.

In iis quæ vitâ carent, imperium obsequiumq; velut concentus est.

Sed in homine, si rectè is quidem affectus, animus ipse naturâ imperat, corpus paret.

Sin.



Sin pravè, corpus contra naturam imperat, animus paret: corrumpi enim natura debet, ut munia ejus confundantur.

Homo igitur omnem imperii formam, veluti pulcherrimo exemplo repræsentat: Herilem, Civilem, Regiam.

Herilem, quâ animus corpus tenet; Civilem & Regiam, quâ mens cupiditatem.

Vtile verò est corpori, si naturam sequimur, ab animo regi: & cupiditati, à mente atque ratione.

Bruta vidè: mansucta feris præstantiora sunt, & his rursus homo. Regi igitur ab homine debent: hoc enim est ratione regi.

In sexu quoque mas muliere præstantior est: ideoquè ille imperio, hæc obsequio à naturâ destinati.

Homines igitur omnes sic se habent

bent quoque: non pari indole à naturâ facti, ut alii aliorum imperio obnoxii sint.

Qui eò depressi, ut quantum corpus animo, belluaq; homine inferior est, infra hominem ipsi jaceant nati ad obsequium videntur.

Corpore magis quàm ingenio qui homines sunt, servi sunt; quia nullum nisi corporis usum præstant. Hos parère æquum est, regere nesciunt.

Naturâ sic quidem servus est, qui alterius esse potest: servus, qui imperium tanquàm utile sibi patitur: qui sic à naturâ factus est, ut existimet utile id sibi esse.

Aliquid hominis habet, ut sic dicam, aliquid bruti. Intelligit enim jussa imperantis & sequitur; cum solis bruta perturbationibus servant.

Quæ

Quæ summa est, Rationis beneficio servus bruto dissimilis est, corporis usu quodammodò similis. Impendit corpus roburq; imperanti brutum, & servit; impendit servus, & conditionem bruti exprimit.

Ut similis esset, imò ut servus esset, natura servo robur dedit; at libero animum, illum erectum, & vitæ civili aptum utilemq;, paci & bello: quæ duo vitæ Civilis, munia & partes sunt.

Non rarò tamen in servis liberorum corpus est, in liberis servorum ingenium.

Et quidni eximia corporis forma æstimetur? digna imperio haberi solet, digna Diis.

Deorum namq; simulacra, augustâ, & humanâ specie majora sunt; ut vel corpore majestatem suam numen inveniat.

Sed

Sed si corpori hæc prærogativa conceditur; quæ non animo? pulchritudo ejus, ut difficilius cernitur; ita excellentior est, & plus divini, quàm humani habet:

Hinc profectò intelligimus hominum aliquos naturâ servos esse, aliquos liberos: benè & justè cum illis agi, qui cùm servituti nati sint, sub alieno imperio vivunt.

#### CAPUT IV.

*Quomodò & à naturâ, & à lege  
Servitum.*

**S**IQUI sunt, qui nullam à naturâ servitutem putant, malè putant: sin aliquam non esse, benè.

Etenim naturâ alii servi sunt, alii lege. Lex autem non nisi pactum est, & pactum jus est, quo bello capti in potestatē capientis veniunt.

Sed quid? insurgunt ex Juris-  
con-

Consultis nonnulli, & jus illud iniquum censent, quia violentiâ constitutum.

Contrâ, Philosophis violentia ista justa est, & quædam quasi virtus viribus instructa: quæ si vincere possit, possit & vim inferre.

Vincit enim, qui præstantior est: & vim patitur, qui jure videtur succumbere.

De hoc jure autem controversia est; quod alii benevolentiam definiunt, quasi subesse non recuset, qui cogitur: alii potentiam, tanquam ratio svadeat, potiozem & potentiozem infirmiori imperare.

Jurisconsultorum ratio infirma est, injustam servitutem esse: Philosophorum absoluta non est, justam esse.

Fieri enim potest, injustam belli causam esse; quomodo injustè serviet

nū ex bono generari: quod semper affectat natura, licet non efficiat.

Hinc liquet, alios naturā servos, alios liberos esse.

Item, manifesta quibusdam à naturā inesse signa, quæ veluti monstrent, unius interesse ut serviat, alterius ut imperet.

Denique, à naturā imperium obsequiumque constitui, dominum & servum; ut sit qui regat, sit qui pareat, & quemadmodum utrique expedit.

Quod autem uni expedit, etiam alteri; idem toti & parti, corpori & animo: sicuti servus pars domini est & pars animata corporis; juncta tamen.

Unde inter dominum & servum amicitia & mutua quædam utilitas est; si naturā quidem dominus ad imperiū, servus ad obsequium venit;



viet, qvi captus est: deinde capi & vendi hominem, qvi ad libertatem natus est; qvomodò etiam nobilissimi in servitutem rapiuntur.

Hos igitur non servos, sed barbaros appellant; & sic qvòd designant, dicunt.

Qvis enim barbarus? rudis tardiq; ingenii. Qvis? servituti natus.

Ut hæc se habent, & servi, & nobiles qvidam ubique censentur, qvidam nusquam. Græci ubique, Barbari verò apud suos tantum.

Quasi simpliciter aliqui naturâ ad libertatem & nobilitatem facti sint, aliqui non sint, sed sub conditione.

Verum qvid hoc aliud est, qvâ virtute & vitio, servum & liberum, nobilem & ignobilem definire?

Volunt enim, ut ex homine homo, ex belluâ bellua nascitur; bo-

NUM

nūt: sine lege & vi, servus non est servus.

Hinc manifestum est, Herile imperium à Civili, & reliqua inter se distinguī.

Civile in eos exercetur, qui naturā liberi sunt: Herile in eos, qui naturā servi.

Præterea, Dōesticum unius est, & imaginem Monarchiæ habet: omnis enim ab uno domus regitur. Civile in liberos, atque etiam in pares est.

Dominus verò non scientiā dominus est, sed conditione: sic nec servus, nec liber, nisi conditione.

Est tamen & Herilis & Servilis aliqua scientia: Servilis, quæ & doceri potest, ut rectè ministrandi, obsonandi, & quæ hujus notæ; aliæ honestiores, aliæ viliores: Herilis verò, rectè utendi servis.

Domi-

Dominus item non possessione  
servorum, sed usu dominus est.

Hæc quidem scientia à quæstuarìa  
distincta est, & nihil habet magni.

Satis enim est, dominum rectè  
inungere, quæ rectè servum oportet  
exsequi:

Excelsi verò animi est, minutio-  
ribus molestiis non distringi; sed  
translatâ in dispensatorem curâ,  
Reipublicæ negotiis, vel sapientiæ  
studiis occupari.

## CAPUT V.

*Res familiaris, & ratio acqvirendi  
naturalis: vivendi modus, veræ  
divitiæ.*

**S**ERVUS sic quidem rei fami-  
liaris pars est: ut rei acqviren-  
dæ scientia aliqua, quæ *χρηματι-  
σικὴ*, sive *Quæstuarìa* appellatur.

Sed hæc an eadem cum Oeco-  
C nomi-

48. CIVILIS DOCTR.

nomica? pars ejus, an administra? Item, si administra, an tanqvàm instrumenta præbeat? an verò tanqvàm materiam?

Radius textori instrumentum est, lana materia. Radii verò conficiendi ut ars qvædam est, sic & lanæ.

Opes à Qvæstuarìa, tanqvàm arte qvâdam pendent: si ut instrumentum, radium puta; si ut materia, lanam.

Non est igitur eadem cum Oeconomica: parat enim altera, qvibus utendum est; utitur altera, qvæ jam parata. Uti autem, & parare diversa sunt.

An igitur pars, ut totum respiciat? an species aliqua diversa?

Etenim, modum qvo parentur opes, invenire, Qvæstuariæ est: Opes autem, cùm non unius sint generis, considerandæ sunt.

Con-

Consideranda agricultura, Venatio, Mercatura, aliaq; hujusmodi, quibus victus paratur, & opes constant.

Victus ratio diversa est, five homines, five bruta spectes: sine victu enim vita non est.

Sic & diversa hæc ratio, diversam quoque vivendi introduxit.

Ad bruta quod attinet, quædam gregalia, quædam solivaga sunt: prout victus ratio postulat, quæ diversa sunt.

Alia enim animantibus vescuntur, alia fructibus, alia utrisque.

Homines & ipsi vivendi modo differunt: sed pigerrimi, pecuarii; absq; sudore enim alimentum inveniunt magis, quam parant.

Otiosis similes, sequuntur pecudes; & quia locum, ut illæ pascua, mutant, vivam videntur agriculturam exercere.

Ca

Alios

Alios Venatio alit, eaq̃ varia: Latrocinium, prædæ causâ olim institutum: Piscatio, occasione & viciniâ lacuum, paludum, fluminum, maris: Venatio propriè dicta, quæ & aucupium continet: deniq̃ Agricultura.

Si naturam prætereas, Cauponatio, Permutatio, Mercimonium, Usura accedunt, à luxu magis, quàm necessitate.

Sed illa, tanquàm bona mater, abundè omnibus prospicit, nascentibus, natis, adultis.

Vermes & ova, priusquàm animantes sunt, alimenti quantum satis, secum adferunt.

In illis pars superior, quæ prius formatur, inferiorem pro nutrimento habet: in his pullus ex albumine fit luteo alitur.

De natis & adultis quid attinet dicere-

dicere? lacte, & mox stirpibus vivunt, aut ne lacte quidem.

Et stirpes quidem, ut animalium causâ sunt; ita animalia hominum.

Manfucta, partim in usum, partim in cibum, partim in utrumque, Fera & agrestia pleraque in cibum, vestem, aliaque vitæ subsidia.

Ut hæc sunt, res etiam Militaris quodammodo à naturâ est: quippe acqvirendi causâ.

Hujus & pars Venatio est; tanquam militent, qui feras insequuntur; venentur, qui homines, ad parandum natos, oppugnant, justum naturâ bellum faciente.

Ratio igitur acqvirendi, quæ à naturâ, artis Oeconomicae pars est, licet improprie satis.

Patrem enim familias, vel instructum esse rebus ad vitam necessariis oportet; vel habere artem, quæ instruat.

Res



Res necessarię sunt, quibus & domus, & civitatis societas fulciatur.

Omninò habere oportet, & quod necesse est, & quod satis: quæ veræ divitię sunt, modo suo terminatæ.

Modus autem omnibus in rebus & artibus requiritur; nisi & instrumenta infinita faciamus, quod absurdum est.

Quid etiam? artis acquirendi instrumenta divitiæ sunt, sive domum, sive urbem spectes.

Hinc ergò manifestum est, artem quandam, sive rationem acquirendi esse, domui necessariam, atque civitati.

## CAPUT VI.

*Ratio acquirendi artificiosa, a sive permutatio- Nummi inventio.*

**P**RÆTER naturalem acquirendi rationem, res pecuniaria est, propriè χρηματιστική; quæ finem

nem aut modum divitiarum non videtur agnoscere; ab usu magis & arte, quàm natura.

Ufus rei cujusque duplex: suus, & non suus. Sic calcei usus suus est, ut induatur; hoc enim fine factus est: non suus, ut permutetur; cibi nimirum vel pecuniæ causâ.

Permutatio primâ quoque origine à naturâ est, quasi à copiâ & inopiâ; alio plus rei alicujus quàm satis sit, alio minus possidente.

Mercatura agitur, quæ emit ut vendat, à natura non est: indigentia enim limites transgressa, amplius quàm necessum est, cumulat.

Dixeris, non subsidium necessitatis, sed divitiarum instrumentum esse.

In domo, sive inter virum & uxorem, dominum & servum, patrem & filium, nullus permutationis usus est; in civitate est, Ist.

Isthic enim, quia communia omnia sunt, nulla proprietas est.

Hic, quia proprietas est; alii aliis abundant rebus, alii indigent: unde permutatio nascitur.

Et hæc quidem simplicissima olim, postea pecuniaria facta.

Simplicissima, solam necessitatem & naturam respicit; primis mortalibus, & adhuc barbaris nonnullis, qui vinum pro frumento, lignum pro carne dant, vel accipiunt, usitata.

Pecuniaria, è priori nata, mercium loco, quæ difficulter absporitari ad longinqua solent, nummi usum dedit, rerum omnium commune, & promptum pretium.

Metallum fuit, principio magnitudine & pondere, tandem impressâ notâ & imagine, tanquam examinis compendio definitum.

A num-

A nummo mercatura: cū in-  
ciperet, simplicior fortassis ru-  
diorq; usu deinde & experientia  
in artem rei augendæ crevit.

Ratio acqvirendi sic qvidem præ-  
cipuè in nummo. Hoc enim agit, ut  
pecuniam colligat: qvema-  
dum divitias ipsas his nominibus  
censemus.

Sed an tantū tamen numus est? Ab  
opinione, sive lege pretium capit.

Vilis, qvia ab arbitrio utentium  
pendet: qvia adesse potest, & non  
prodesse, Midæ Regis exemplo, qui  
in auro fame periit, dives, & sic mi-  
ser.

Alia igitur Opes, aut aliter æsti-  
mandæ sunt; alia qvarendarum  
Ratio.

Opes, qvas natura novit, & suo  
velut sinu, quantum usui satis est,  
offert.

Ratio, quæ in mediocritate posita est, & ad Oeconomicam propriè refertur.

Nam quæ hinc abit, à natura abit; & quia nummum nummi causâ respicit, avaritiâ, non usu continetur.

Quid etiam? divitiæ, quæ sic parantur, sine termino sunt; quia nullo fine consistunt, & sic nunquam divitiæ sunt.

Ut enim in reliquis, ita hic: finis infinitus est, viæ ad finem suo numero terminantur.

Finis medici, sanitas est; nec quiescit, nisi huc perveniat: viæ ad sanitatem pharmaca sunt, certa, aliis alia morbis tollendis; quo fine consistunt singula.

Breviter: ratio acqvirendi, quæ divitias, velut instrumenta vitæ habet, finitas & limitatas habet, & sic veras; hæc autem Oeconomica est.

Illa

Illa verò, quæ easdem tanquàm finem habet, infinitas, & sic non veras habet, & ab Oeconomica distinguitur.

Sic igitur divitiarum modus quidam & terminus est: quem omnes tamē vel ignorant, vel prætereunt.

Nummus nummum trahit, & semper avarus est: arca impleri potest, animus non potest; cupiditas infinita est.

Quid dicam? ratio acquirendi confunditur, quasi eodem modo paterfamilias, & mercator nummos quærant.

Hic quærit, ut semper augeat; illius erat, usu quæstum metiri.

In eundem igitur finem uterque fertur, & avaritiæ morem gerit; ut vivat, non ut benè vivat, occupatus.

Quia autem vitæ cupiditas infinita est, infinitæ quoque divitiæ expetuntur.

Non

Non cupiditas tantum, sed & voluptas rationem sibi quærendi, eamque peculiarem vindicat.

Aliqui enim benè videntur sibi vivere, si corpori & voluptati vivant, non utendo divitiis, sed abutendo.

Huic quia nullus voluptatis modus est: modum quoque divitiæ non habent.

Sed si cupiditas peccat, amplius voluptas, quæ, cum artes quærendi deficiunt, honestis quoque disciplinis ac scientiis ad quæstum abutitur, artesque quærendi facit.

Fortitudinis est, non pecuniam conficere, sed animos; at qui voluptati se mancipavit, fortis tantum est, ut acquirat, & turpem virtutem facit.

Artes quoque lustra: turpis ubique erit, quia finem cuiusque perverteret, voluptatis causâ. Ratio



Ratio igitur acqvirendi, alia necessaria est, alia non est: illa usui, & à naturâ; hæc vel cupiditati, vel voluptati, quæ utraq; infinita est, & à naturâ aliena.

## CAPUT VII.

*Acqvirendi ratio Oeconomica Politicæq; ministra est: ejus usus.*

**S**ATIS ex his liquet artem rei acqvirendæ ab Oeconomicâ, atque adeò Politicâ distinctam esse; licet iis utrobiq; opus, quæ ars acqvirendi suppeditat.

Nam ut Politica non creat homines, sed regit: ita Oeconomica non suppeditat victum hominibus, sed dispensat.

Terra nos alit, mare, & reliqua natura, velut mater.

Sic ars textoria non conficit lanam, sed lanâ utitur; bonam à malâ,

lâ , utilem ab inutili distinguit.

Alioquin si ars acqvirendi Oeconomica pars est ; etiam medendi : non minùs enim valere , quàm vivere familiam oportet.

Ut verò sanitatis cura ex parte patrem familias , eumq; qui reipublicæ præest , ex parte medicum spectat : ita rem curare & instruere familiarem , ex parte est Oeconomica , ex parte non est.

Artis , inquam , illius est , quæ Oeconomica administra censetur.

Omnino, vitæ subsidia, quæ necessaria , à naturâ sunt : hæc gignit omnes, quidni alat ? malè matrem facimus, nisi & nutricem agnoscamus.

Sed ratio rei acqvirendæ duplex est : à naturâ, & ab arte : illa Oeconomica , è frugibus, & animantibus ; hæc Cauponaria, è mercibus,  
&

& nummis; illa laudabilis, hæc reprehendenda.

Maximè usura, sive ὀβολοσάλική, quia maximè contra naturam est, verumq; nummi usum invertit.

Etenim, qui permutandis rebus inventus est, seipsum ex se gignit: unde τόκος Græcè, tanquàm nummi partus; & Fœnus Latinè, tanquàm nummi foetus: breviter, nummi nummus.

Cognitio artis acqvirendi liberalis est: usus qui sequitur, imprimis necessarius, & officiū patrisfamilias spectat.

Quod officium? scire, quæ in unaquaq; familiæ parte fructuosissima sint, ubi, & quomodò.

Equi, an boves, an alia animalia, & quâ occasione: prætereà, qui equi qui boves; & unde rectius comparentur.

Quo-

Quomodo pascua & agri habendi, silvæ & vineæ, horti & pomaria; item mellificia, aviaria, vivaria.

In Permutatione & Commerciis Mercatura spectanda est, Fœneratio, atque operarum locatio.

Mercaturæ tres partes sunt: Navigato, Vectuaria, Inititoria; quarum alię tutius, alię utiliùs exerceantur

Operæ, vel ipsæ Artes sunt, quæ fordidae appellantur; fabrorum, futorum, textorum: vel corporis solius; bajulorum, tabellariorum, messorum.

Tertia quoque rei quærendæ ratio est, inter naturalem, & Quæstuariam media; quasi aliquid à naturâ, aliquid etiam ab arte trahens, permutationi ac mercaturæ sic quidem apta.

Nam & ligna quæ scinduntur, & metalla quæ fodiuntur, à naturâ sunt

sunt; sed naturâ tamen ἀναγκαῖα, id est, *sine fructu*: arte utilia, quia suspelllectili conficiendæ serviunt.

Metallica ratio tam varia est, quàm metalla ipsa, alia auri, alia argenti, alia æris, ferri, plumbi, stanni.

Distinctius hæc tradere, non minus sordidum sit, quàm exercere. Politicus enim hîc nobis, non mercator, aut artifex formandus est.

Ex operis tamen plurimum artis habent, quæ minimum fortunæ.

Sordidissimæ, quibus corpora imprimis fœdantur; serviles maximè, quæ nihil ingenii habent; ignobiles quæ minimè virtutis indigent.

De Agriculturâ scripsere Chares Parius, & Apollodorus Lemnius, tam nudâ, quàm consita; de aliis alii.

Exempla quoque eorum qui divitias

tias parârunt, & documenta notanda sunt.

Thales Milesius paupertatem indignatus Philosophiæ objici, facilem ad divitias viam invenit.

Astrorum beneficio ubertatem olearum prævidens, datis arrhis, hiemante adhuc cœlo, olearias omnes officinas, tam Milesias, quàm Chias conduxit: parvo etiam quia nemine contrâ licitante. Non fefellit annus, felix fuit; grande lucrû, quod ex officinis conflatum est.

Haud difficiles Sapienti esse opes vides; sed nobiliori occupatione studia mentis detineri.

Ejusmodi igitur hic quæstus Monopolium appellatur, non tam Privatum, & patrisfamilis, quàm Publicum, & civitatis.

Civitates enim nonnullæ si inopiâ premantur, rerum venalium  
po-

potestatem, constituto pretio, rectè sibi vendicant.

Privatum tamen etiam Siculus quidam usurpavit, qui talentis apud se quinquaginta depositis, omne è ferrariis officinis ferrum coëmit, pretioq; non nimis aucto, centum talenta, quia otiosos nummos non habuit, lucri fecit.

Dionysio ingenium hominis, tanquàm privatim laudabile, placuit; exemplum, tanquàm publicè damnosum, displicuit.

Qui ditatus erat, excedere cunã pecuniã Syracusis iussus est.

Sciat Politicus Monopolii rationem: sed sciat, non familiæ, at civitati convenire.

Hæc non minùs quàm illa quæstu indiget: & ex iis qui Rempublicam tractant, aliqui huic curæ præfici solent, Quæstores, Publicani, alii.

CAPUT



66 CIVILIS DOCT.  
CAPUT VIII.

*Potestas Conjugalis, & Patria. Virtutes  
Oeconomica, imperium, sive  
obsequium spectes.*

**T**RES, uti dictum est, artis  
Oeconomicae partes sunt:  
Herilis, Patria, Conjugalis. De  
Herili autem satis.

Paterfamilias & uxore imperat,  
& liberis: sed imperat, ut ingenuis,  
non ut servis. Aliter etiam uxori,  
quam liberis: illi πολιτικῶς *civili-*  
*ter*, his βασιλικῶς *regiè*.

Etenim mari in foeminam impe-  
rium natura dedit, quia aptiori.

Pro monstro est mulier, virili in-  
genio instructa.

Aetas patri in filium pariter im-  
perium dedit, quia perfectiori &  
præstantiori.

Civile hoc imperium, licet sic  
dicatur, à civili tamen differt.

Usu

Uſu namque receptum eſt, ut in Republicâ viciffim quisq; imperet & paret, ornatu, oratione, honore tantisper diſtinctus.

Alius qui imperat, & quia imperat; alius qui paret, & quia paret: quemadmodum de pelvi ſua verba Rex Amafiſ fecit.

In Familiâ hæ vices non ſunt: mas enim ſemper imperat, paret foemina: quippe ſemper ille vir eſt, hæc foemina.

Imperium quod in liberos pater obtinet, Regium eſt: benevolentia enim & ætate conſtat; quæ Regii imperii imago eſt.

Hinc Jupiter, quia Rex eſt omnium.

Πατὴρ ἀνδρῶν τε θεῶν τε Homero appellatur:

*Parens hominumq; Deumq;.*

Naturâ ſiquidem Rex à ſuis differt

fert, genere idem est: homo, ut omnes; præstans unus inter omnes.

Ætatem respice: sic se habent senex & juvenis; Generationem, sic se pater & liberi.

Officium igitur Patrisfamilias est, potiorum hominum habere rationem, quàm rerum; magisq; virtutem promovere, quàm quæstum.

Et quia homo ab homine differt, plus curæ liberis, quàm servis impendere.

Sed éstne aliqua in servo virtus? éstne alia, quàm quæ corporis ministerio definitur? éstne Prudentia, Fortitudo, Temperantia, Justitia?

Si enim est, quomodò differt à libero servus? si non est, quomodò ratio, quæ virtutis est fundamentum, in servo? aut quomodò non homo, qui homo?

Atq; idem de muliere, & puero quæ-

qværas: An uterq; virtute præditi?  
an mulier fortis, temperans, iusta?  
an temperans, vel intemperans  
puer?

In antecessum verò: an aliæ im-  
perantis, aliæ parentis, an eædem  
utriusq; virtutes sint?

Si eædem, cur alter imperabit  
semper, alter parebit? ille domi-  
nus, hic servus?

Eædem, fortassis inquires, sunt;  
sed non eodem gradu: majori do-  
minum virtute esse, minori servum.

Sed frustra. Imperium enim &  
obsequium specie diversa sunt:  
quod majus & minus est, nequa-  
quàm.

Frustra etiam alteri assignes vir-  
tutem, alteri, tanquàm non neces-  
sariam eripias.

Si enim qui imperat non erit tem-  
perans, & iustus, quomodò impe-  
rabit:

tabit? si nec qui paret, quomodo parebit?

Profectò & imperii, & obsequii regula & ratio virtus est.

Sed virtutis discrimina sunt: sunt & eorum, qui alieno imperio naturâ subiecti.

Animum vide, ceu virtutis sedem: hujus pars una est quæ naturâ imperat, altera quæ paret: & alia hic tamen imperantis, alia parentis virtus est.

Mens, sive ratio imperat, & Sapientiam, Prudentiamque habet: Cupiditas paret, & Temperantiam, reliquumque Moralium agmen.

Si rectè calculum ponis, ubicumque alia virtus, alia quoque à naturâ sive imperii, sive obsequii forma est.

Ad imperium quod attinet, aliter liber servo imperat, aliter mas feminæ, aliter denique vir puero.

Atque

Atq; in his omnibus, partes quidem insunt animæ; sed dissimiliter & dissimilem virtutem faciunt.

In servo vis consultandi ( præcipuum prudentiæ munus ) quasi nulla est, in muliere infirma, in puero imperfecta.

Eadem virtutum Moralium conditio est, quæ omnes omnibus necessariae sunt; sed non omni modo.

Modus autem, ratione operis munerisq;, in singulis distinguitur.

Qui imperat, perfectas, imò omnes habeat virtutes necessum est. Opus enim & munus, ut sic dicam, Architecti simpliciter sustinet.

Ratio autem, velut Architectus est: ille in opere, ista in civitate regit dirigitq; omnia.

Sed qui parent, virtutem habeant Moralem necessum est; æ-

D

qua-

qualem ut habeant, non est.

Quippe alia viri, in quo falsus est Socrates, alia mulieris Temperantia est, Fortitudo, Justitia: quia alia imperantis, quæ Principalis est; alia obsequentis, quæ ministra.

An addo? alia pueri virtus, alia servi.

Si Gorgiam audias, assignare singulas ac distinguere malis, quàm definire simul universas.

Et quomodò definias? Esse Affectum, quo se animus rectè habet, vel quo rectè agit.

Quomodò distinguas? Poëta Dicto:

*Ornatus ingens femina silentium.*

Virum enim cordata & temperativa oratio commendat.

Pueri & servi virtus quia imper-



perfecta, non ad ipsos, sed vel ad patrem & Præceptorem, vel ad dominum referenda est.

Ut benè nimirum puer monentem audiat: & officia servus necessaria promptè exsequatur.

Sic pater pueri norma est, dominus servi; virtusq; pueri à paterno imperio modum capit; servi verò, ab herili.

Vitia etiam quædam exuere, virtus est; ne vel voluptate, vel ignaviâ, vel metu iussa sive patris, sive heri retardentur.

Sed an & opificibus virtutes aliquæ tribuendæ sunt? Sanè aliquam servi conditionem isti habent; sæpiusq; opus, quod in manu est, intemperantiâ negligunt.

Inter servum & opificem discrimen est: servus vitæ socius est, & agit: opifex non est, & efficit.

Aliquo tamen modo & servus est; quia conductus operam manumq; locat.

Unde in opifice tantum virtutis est, quantum servitutis. Quippe quia servus, aliquam virtute indiget: quia opifex, non.

Agit servus, opifex efficit: in agendo autem virtus, in efficiendo ars spectanda est.

Præterea servus naturam est, opifex arte, nascitur ille, hic fit: illi dominus virtutis causa est; hic, quia propriè artem habet, virtutem impropiè.

Aliquam tamen & opifex virtute præditus est; non quia opifex, sed quia servus.

Mariti & uxoris, patris ac filiorum vita, consuetudo, virtus; quid item rectum, quid pravum, in explicatione Reipublicæ diceretur.


Etenim

Etenim omnis familia pars est civitatis : partes familiæ, maritus & uxor, pater & liberi.

Virtus autem partis, id est singulorum, ad totum, sive ad civitatem referenda est: ideoque magis civitatis causâ, quàm familiæ, liberi & uxores sunt.

Sane civitatis interest, ut benè formentur uxores & liberi.

Et Uxores quidem, quia alteram ingenuorum capitum partem constituunt: liberi, quia Reipublicæ pars & seminarium sunt, unde boni cives oriantur.



76 CIVILIS DOCTR. LIB. II.



ERYCI PUTEANI  
BAMELRODI

CIVILIS DOCTRINÆ  
LINEÆ,

QVIBVS  
ARISTOTELIS  
POLITICORUM

LIBER SECUNDVS,  
*Ad Perpetuos reductus* APHO-  
RISMOS, *representatur.*

---

ARGUMENTUM.

**V** *Aria Rerumpublicarum  
formæ: sed ex his nonnullæ  
in usu, nonnullæ ab Aucto-  
ribus duntaxat descriptæ.  
In usu Spartana, Cretenfis, Carthagi-  
nienfis: descriptæ, duorum sunt gene-*

*rum, vel à Philosophis, vel à Politicis & Legislato-ribus. Inter Philosophos Plato, cujus utraq, Civitas, tam è libris de Republicâ, quàm de Legibus examinatur: item Phaleas Chalcedo-nensis, & Hippodamus Milesius. At inter Legislatores Solon, Charondas, Philolaus, Draco, Pittacus, Andro-damas, aliiq,*

## CAPUT I-

*Platonis opinio de Communione, quâ unâ maximè reddatur Civitas, examinata.*

**V**ERÆ Reipublicę facies tradi nequit, nisi & vitiosæ explicetur: omnes verò, aut præcipuæ examinandæ, ut optimam eruas.

Sed ut veritas impunè quæritur; ita citra ambitionem examen est.

De communionem quidem: An  
omnia

omnia omnibus in Civitate, an nulla communia sint? an potius quædam sint, quædam non sint?

Nulla esse, nemo dicat, nisi male dicat. Civitas enim quid nisi Communitas est? Locus saltem Communis, qui unus omnium.

An igitur omnia? An potius aliqua? Quid si Uxores, Liberi, Bona? quemadmodum Platoni visum.

Scilicet, ut hoc nexu Civitas magis jungatur, & una fiat: quo tanquam fundamento populi salus præcipuè consistat.

Sed profectò Civitas si ita conjungitur, ut una omninò fiat, ne Civitas quidem erit. Est enim naturâ suâ quædam multitudo.

Hæc, si magis quàm oportet una fiet, ad unum redigetur: fiet quippe è Civitate domus, è domo homo.

Magis autem domus unum est,  
quàm

quam Civitas ; & homo , quam domus.

Plures igitur esse debent, ut Civitas sit plures, sed ordine & conditione, imò specie inter se distincti.

Aliter verò in Bellicâ societate ; quæ solâ multitudine censetur ; milites enim omnes sunt, & auxilii duntaxat causâ.

Aliter etiam in gente per agros sparsâ, quales sunt Arcades, similes inter se, & sub uno duntaxat magistratu.

In Civitate autem plures sunt partes ; ut in corpore membra : & uniri debent, ut partes sint.

Hinc vicissitudo : quæ ut æqualitatem inducit, ita habet dissimilitudinem.

Æqualitas igitur conservat Civitatem. Ideò enim liberi paresque sunt cives, ne conditione differant,

D s

quæ



quę potissimùm imperio censetur.

Sed ut simul imperent omnes, fieri nequit: vicissim igitur, producto imperii tempore, vel contracto.

Hęc quidem ratione & imperant omnes, & parent: imò qui dissimiles sunt, redduntur pares.

Quasi dicas, eosdem cives modò sutores esse, modò fabros, contrà quàm solet. Sutores, enim semper sutores sunt, fabri fabri.

In Republicâ rectiùs quidem aliqui imperarent, si perpetuò: id quia fieri nequit (omnes enim naturâ æquales sunt) vicissitudine opus.

Necessum omninò, ut qui imperant, ad obsequium; qui parent, ad imperium redeant, alii, licet iidem: majori aut minori dignitate.

Hinc patet, Civitatem Platonicā

cā ratione unam non esse; atque adeò perituram, si esset.

Quid etiam? unionem hīc ne bonam quidem esse. Quod enim bonum est, conservat id cuius bonum est: perdit autem Civitatem unio, quia bona non est; & bona non est, quia perdit.

Ad summam *αὐτάρχεια*, sive *re-  
rum copia*, Civitatis felicitas est; quæ unione istā impeditur.

Minus enim unumquodq; abundat, quo magis unum est, minusq; sibi sufficit.

Hāc ratione amplius sanè domus, quàm homo unus suppeditat, quia unus est: & sic Civitas, quàm domus.

Quare si optabilius, quod *αὐταρξέστερον*, sive quod *magis sibi sufficiens*: etiam quod minus unum, optabilius erit.

CAPUT.

## CAPUT II.

*Platonica Vxorum ac Liberorum Communio Reipublicæ pernitiōsa.*

**S**ED concedamus Platoni, utile  
Esse Civitati, unam quàm  
ximè esse: non ideò tamen, quia  
MEUM, & NON MEUM omnes  
dicant, una perfectè erit.

VOX OMNES dupliciter sumi-  
tur: singulatim, & universè. Sin-  
guli cùm suum dicunt filium suum  
esse, suam conjugem suam, sua bo-  
na sua; quia sibi vindicant, jam  
communia non sunt.

Si enim meus est filius, commu-  
nis non est: si communis, meus  
non est.

Universi, five simul omnes, cùm  
omnia sua dicunt, dicunt quod fie-  
ri nequit: sed nec sequitur quod  
Plato voluit, unam sic maximè &  
concordem Civitatem esse.

Quid

Qvid enim? diverso Omnes, & Singuli sensu sunt; ut etiam Uterq; de paribus imparibusq;.

Duodeni homines si quater terni consistant, omnes, ut singuli, impares erunt; quia terni: omnes, ut universi, pares; quia duodeni.

Item seni si bis terni, utriq; singulatim impares erunt, universè pares.

Sive igitur Omnes Plato accipit ut singulos, tollitur communio; si-ve ut universos, concordia; cujus causâ communionem induxit.

Aliud etiam communionis hujus malum, incuria. Quæ enim communia sunt, nemo sua putat.

Rerum quisq; suarum satagit, alienus à publicis, tanquam non suis; nisi privato simul lucro publicas metiatur.

Sic quæ omnibus incumbunt,  
tan-

tanquàm curentur à singulis, negligi solent; & multi in familiâ famuli minùs serviunt, quia multi sunt.

Finge jam in Republicâ Platonis mille unicuiq; civium filios esse, unius omnes, qui singulorum sunt; sanè negligentur omnes, tanquàm nullius sint.

Prætereà, quod solatium patri à filio; filio à patre, si omnes omnium patres sunt, omnes omnium filii?

Nemo quem genuerit sciet, nemo ex quo natus sit: unde vel amor nullus erit, vel à naturâ aberrabit.

Imò quæ distinctio cognationis & affinitatis? quis filius, quis frater, quis consobrinus erit? quicquid distingui debuit, communione perit.

Natura audienda est, quæ Platoni se opponit.

Etc-

Etenim, ne communes liberi sint, formæ similitudo ut plurimum facit: Originem assignat.

Si in Libya communes ajunt uxores esse: liberos tamen indicio vultus distinguui.

Etiam aliorum animalium femellæ pleræq; præsertim equæ & vaccæ, simillimos admissariis fœtus edunt.

Pharsalica illa equa, proverbio quoq; nota est, *Λικαία*, sive *Iusta* appellata, quasi suum cuiq; redderet.

Jam verò quæ incommoda in hâc communione! rixæ, pugnæ, vulnera, cædes: decumano quidem scelere inter natos & parentes; & majori inter cognatos, quàm alienos; frequentiores uerò, quia inter ignotos.

Præterea, ab ignotis nulla expiatio

piatio : quis enim sciet læsisse se parentem, si parentem nesciet?

Absurdum deinde, liberos communes esse; amoris delicias (etiam in verecundiores) inter liberos & parentes permitti, inter fratres ac sorores.

Minor certè concordia, ubi hæc communio est: & quia in Custodes, sive Principes, atq; Agricolas, sive Cives Respublica divisa est; non Principibus, sed potiùs Civibus communes à Platone uxores præscribendæ erant.

Expedit enim, Cives potiùs, nequid novi moliantur, quàm Principes, qui imperium in Cives habent disjungi ac dissidere.

Scimus interim, atq; etiam scimus Maximum Civitatis bonum amicitiam, sive concordiam esse, & hæc unâ præcipuè seditiones inhiberi.



Socrates ipse, ut concordem habeat, unam Civitatem facit.

Et Aristophanes eam esse amantium naturam, ut præ nimio amore, qui duo sunt, coalescere in unum cupiant.

Quid tamen est? Imple votum, fiant unus, qui duo erant: aut utrūq̃, aut alterutrum perire necessum est

Prorsus, ut vinum nimia dilutum aquâ vinum esse desinit: ita & amicitia communione istâ, quia nimis se diffundit.

Etenim non recto aut sincero affectu vel patrem filius, vel filium vocabit pater, ubi omnes unius sunt, & unus omnium.

Necessitudo ex his nominibus velut dulcedo est: in immensum sparsa, perit, aut languescit.

Languescit simul cura, imò amor, quem & pater filio debet, & filius patri.

Duo

## §§ CIVILIS DOCTR.

Duo enim sunt, quæ & curam & amorem gignunt; habere quod tuum dicas, & quod unicè diligas; quorum utrumq; à Republicâ Platonica alienum est.

Deniq; liberorum translatio, à Civibus quidem ad Principes (nasci è plumbo aurum solet) vel à Principibus ad Cives (nasci ex auro plumbum) quomodò fiet?

Sanè qui transferunt, nosse debent quos transferunt, & nosse ex se natos esse.

Qui transferuntur, quia ignoti sunt, & ab omni cognitionis usu alieni, non minùs in iurgia & cædes, quàm amores & flagitia faciles erunt.

### CAPUT III.

*Bonorum pariter Communio rejecta,*

**D**E bonis distincta quæstio: Communia, an non communia

nia in Republicâ & populo benè constituto habenda?

Distincta, sed triplex: An præter, possessionem rerum singulorum esse, usum verò omnium? quod nonnullæ gentes etiam hodiè usurpant.

An possessionem communem, fructus verò singulorum, pro necessitate cujusq; distribuendos? mos Barbaris quibusdam familiaris.

Postremò, an & possessionem communem, & fructus?

Alibi quidem prædia sua ipsi Domini colunt, alibi per alios. Si per alios, facilius sit modus: si ipsi, difficilior: suos enim quisq; labores communes fieri non fert.

Imò, alium operam impendere, alios plus percipere, querelarum fons & fomes est.

Simul vivere sine simultate vix licet: communes habere res, quibus

bus vivamus, maximè arduum est.

Quid vivere? ac ne peregrinari quidem: ita faciles ubiq; jurgii causæ sunt: solenne, conjungi & collidi.

Communions quoq; vitio in servos domini, quos quotidianis ministeriis adhibent: iras identidè sumunt, & tanquàm secum dissident.

Quantò igitur melius, receptam consuetudinem sequi; modò bonis moribus, bonisq; legibus cives contineantur.

Ita enim & communio quædam erit, Reipublicæ utilis; & proprietas, singulis atq; Reipublicæ.

E proprietate autem quædam nascetur communio.

Et fiet proprietate, ut distributis curis, nullus querelis locus sit: res autem ipsæ privatâ cujusq; industriâ augeantur: fiet communione,

ut

ut necessitati omnium satisfiat.

Virtus hoc agit, & aliquem à proprietate usum separat: agit usu, ut quod adagio dicitur, AMICORUM OMNIA COMMUNIA, obtineat,

In quibusdam etiam civitatibus, rectè quidem institutis, communionis hujus imago quædam est; ut credas, aut fieri, aut fieri posse, quod præscribimus.

Facile, inquam, est, sic possidere quædam, ut ad amicos usum, ubi opus, transferas: sumere ab amicis, quo mutuo jure communia existimes.

Hoc modo Spartani alienis servis, equis, canibus, tanquam suis utuntur: ex alienis agris, cum iter faciunt, viaticum sumunt.

Omninò melius, propria esse bona, quàm communia: sed facere usu, ut communia sint.

Le-

Legislatoris autem munus est, definire modum, quo fiant.

Præterea, longè jucundius est, quædam sua & propria, quàm omnia habere communia; & sic amare, quia sua.

Amare sua, id quodammodò est se amare: aliquid enim nostri res nostræ habent.

Hic autem amor sui, quia à naturâ, jucundus est: laudabilis etiam si modum non excedat.

Sic amare pecuniam, quod omnibus insitum, nemine probro est; sed plus æquo amare, id verò est.

Svave etiam, de amicis, hospitibus, sodalibus, quoties occasio, bene mereri.

Id autem fieri nequit, nisi propriæ facultates sint; usus autem fiat communis.

Hæc cum ita sint, Platonis dogma

mate duę imprimis virtutes tolluntur: Temperantia, quia communes uxores sunt; & Liberalitas, quia possessiones.

Etenim Temperantię officium est, alienā uxore abstinere, cū suam quisq; habeat: habet autem, ut abstineat.

Liberalitatis est, transferre in alios quod tuum est: tuum nihil erit, si communia omnia facias.

In speciem igitur pulchra & humana hæc communio, animis, quasi fūco quodam publicę concordię, & accusatione vitiorum se insinuans, à proprietate, si Dīs placet, profluentium.

Accusantur scilicet lites, quia contractus sunt, falsorum testimoniorum judicia, locupletum adulationes, & quę hujus notæ.

Sed malè accusantur; non enim  
à pro-

à proprietate, sed improbitate originem sumunt, nec quia sua singulis bona sunt; sed quia ipsi mali.

Amplius sanè rixis ac simultatibus colliduntur, qui cōmunes quàm qui proprias facultates habent.

Quia verò pauci sunt, qui communes habent, multi qui proprias; amplius hi videntur, quàm illi contendere; non malo, sed numero comparati.

Quid attinet verò commemorare mala, quibus communio caret, si bona, quibus destituta est, silentio omittantur?

Breviter: non potest cum communione vita hominum, cum vitâ communio consistere.

Sed Socratem in errorem per-versa hypothesis induxit, Civitatem unam esse oportere.

Oportet sanè & domum, & Civitatem.



vitatem aliquâ ratione , sed non omninò unam esse.

Ita enim fortassis una sit , ut Civitas non sit : ita etiam , ut propè non sit.

Qvò autem propiùs non est , deterior est : & qvò propius abest ab unitate , propiùs non est : unitate enim destruitur.

Sic profectò si quis concentum unâ voce constituat , tollit concentum ; si quis versum uno pede , tollit versum.

Multitudo igitur in Civitate retinenda est : quam disciplina unam & communem faciet.

Lacedemonios , & Cretes vide : in publicas Sodalitatum epulas communes possessiones habuère , & quisq; tamen suas : usus communis erat , proprietates cujusq;.

Rejicitur etiam tempore hæc

E

com-

comūio: quippe à nemine hætenus proposita, à nemine usurpata.

Quæ enim pulchra & utilia generi humano, diu latere aut negligi non possunt.

Nonnulla fanè, licet inventa, in usum tamen recepta non sunt: alia postquàm recepta, mox repudiata.

Sed admitte Platonis dogma: Civitatem nihilominus non uniendo, sed dividendo facies.

Una, ut oportet; non erit, nisi partes ordinesq; constituentur, sœdalitates, curiæ, tribus.

Quod reliquum est, cavetur hoc tantum communiōe istâ, ne Principes agrum colant, curis Reipublicæ intēti.

Verum & Spartani hoc agunt, à communiōe tamen alieni.

Ut paucis dicam, forma hæc tota informis est: neq; explicata

So-

Socrati, neq̃ facilis explicari.

De Agricolis & Opificibus nihil statuitur: his igitur communia bona erunt, an propria?

Si enim communia, quod inter Principes & Cives discrimen? quo honore aut præmio Magistratus geretur?

Quid? Cretes fortassis in exemplum venient; qui alia promiscuè libera, sola Gymnasia & armorum usum liberis assignârunt.

Si verò propria, ut aliis in urbibus; quæ communionis hîc tandem forma aut ratio? In unâ Civitate duæ, ut sic dicam, erunt; imò contrariæ & discordes.

Erunt Principes, tanquam præsidium Civibus; erunt Cives, tanquâ præsidio gravati. Quid etiam? erunt q̃verimoniæ, lites, labe.

A legibus an remedium? At eæ

hîc admodùm paucæ, aut non necessariæ sunt; tanquàm suâ res omnes disciplinâ constent.

Disciplinâ, sed mancâ, quæ solis Principibus commissâ, mancâ Civitatem facit.

Quid etiam? Bonorum domini Agricolæ sunt, tributo tantùm obnoxii, quo Principes alantur.

Domini Agricolæ! Arrogantes igitur sunt: sunt, quod nec Hilotæ apud Spartanos, nec Penestæ apud Thessalos, nec alia alibi servitia, fastu damnosa.

Quæram verò, An communio quæ inter Principes, ad Cives quoque se extendat? quæram, quæ Civium ratio sit, quæ disciplina, quæ leges? sine quibus communio Principum nulla est.

Prætereâ, si uxores communes, bona verò Propria; utri rem famili-

liarem administrabunt? Num uxores? communes sunt: num viri? agris occupantur.

Præposterum quoque, neglecto sexu, ad virilia munia fæminas vocare, tanquàm palæstræ, militiæ, imò Reipublicæ aptas

An hoc fatis, in exemplum belluas citare, quia non minùs canes fœminæ, quàm mares gregem defendunt?

Quid dicam? nulla belluarum rem domesticam curat: inter homines hoc munus femininum, & malè à virò usurpatur.

Ingens etiam periculum secum Magistratus hic Socraticus trahit, quia perpetuus.

Cæteri iniquâ conditione stimulatî, res sæpè novas moliri audent? non tantùm si animosi sint, sed si ignavi. Animos enim & ipsa invidia facit.

Et

Et quare perpetuus? quia sic à naturâ quasi factus describitur.

Quippe aliorum animis in ipso statim ortu vel aurum quoddammodò, vel argentum instillari; aliorum, æs, vel ferrum.

Ex auro igitur & argento Magistratum & milites, ex ære & ferro opifices & agricolas censerì.

Postremò, munus Legislatoris est, ut Civitatem beatam faciat.

At Platonis Magistratus, vel ideò infelix, quia Magistratus est: curis perpetuis, sine præmio aut prærogativâ alligatus.

Sì infelix Magistratus, infelix & Civitas. Non potest enim totum felix esse, nisi & partes sint: pars autem præcipua Civitatis Magistratus est.

Aliter etiam se numerus habet, si cum felicitate paritatem compa-

ras. Potest enim par esse in toto, licet in parte non sit: felicitas verò in Civitate esse non potest, nisi & in partibus sit.

Amplius: si Magistratus felix non est, quis erit? si caput malè se habet, quod membrum benè?

Gravis igitur hæc difficultas, quæ dictæ; & fortassis aliæ graviores, quæ non dictæ: sive Platonem malis, sive Socratem errare.

#### CAPUT IV.

*Altera Platonis in Libris de Legibus  
Respublica refutata.*

**N**OVAM in Libris de Legibus Plato Rempublicam format, dignam examine; quia quæ maxime ad Civitatem faciunt in Prima omissa sunt; explicata, quæ non faciunt.

Etenim communes esse Uxores,  
Libe-

Liberos, Bona voluit: in Agricolas  
deinde & Opifices populum, divi-  
dit, in Milites, & Senatores.

Sed an Agricolis Opificibusq; Mi-  
litia ac Senatus pateant, non de-  
finit.

Mulieres interim tanquàm viros  
habet; imò tanquàm Milites, di-  
sciplinæ & armorum capaces.

Quæ reliqua sunt; ut prolixa, ita  
à re aliena.

In Libris verò de Legibus, nil  
ferè nisi Leges: pauca de Repu-  
blicâ, quam cùm fulcire nititur,  
debilitat, & cum priori confundit.

Præter Communionem Uxorem  
Liberorumq; eadem Civitatis mu-  
nia, aut quasi eadem.

Eadem Disciplina, eadem *gynæ-  
ticia*, sive *Sodalitates*: nisi quod ist-  
hæ mulieres jungantur viris, hic  
separentur: isthæ mille arma-  
to-



torum sint, hîc decem millia.

Socratis igitur illi sermones pulchri specie, ingeniosi, novi; sed reverâ dubii, imperfecti, duri.

Quanta enim hæc Civitas, sive numero hominum, sive loco!

Novam dixeris Babylonem condi, regione magis quàm urbe gentem unam claudi.

Non profectò quæ maxima sunt, sed quæ modum servant, laudem inveniunt.

Nequæ satis, homines & regionem à Legislatore spectari; nisi vicini & vicina loca examinentur.

Ubi homines sunt, hostes quoque esse possunt: sed in hostes armis opus: aliis domi, & si oppugneris: aliis foris, si oppugnes.

Quod si bello nolis externo Cives implicari; terrori tamen hosti sint, sive incurrenti, sive abeunti: sic pace fruituri.

E s

Jam

Jam bonorum quis modus? ut *Frugaliter* omnes vivant; quasi dicat, benè: sed profectò non benè.

*Frugaliter* enim quis potest vivere, & tamen ærumnosè: sicuti ærumnosè, & *frugaliter*.

Meliùs igitur, *Frugaliter*, & *Liberaliter*: miserè enim vitæ & ærumnosæ *Frugalitas* comes est; beatæ & deliciosæ *Liberalitas*.

Prorsùs jungendæ hic *Frugalitas* & *liberalitas*: quas solas virtutes usus bonorum habet.

Divitiis namq; *Leniter* aut fortiter uti non licet, *Frugaliter* verò & *Liberaliter* licet.

Jam verò & hoc mirum est: dividi ex æquo bona; certi nihil de Civium numero, & liberorum procreatione statui.

An, quòd in aliis Civitatibus orbitate, vel etiam sterilitate ad æqualita-

litem multitudo nascentium veniet?

Sed in aliis alia ratio: quamvis enim multitudo definita non sit, bona nihilominus dividuntur in singulos; & cum ad omnes portio aliqua patrimonii perveniat, nemo eget.

In Platónica autem, quia affectu, non jure liberis pater bona distribuit; quisquis ultra numerum populi natus erit, extra bona quoque erit.

Potius igitur procreationi liberorum ponendum fuisse modum dixeris, quam divisioni bonorum, adducta licet in æquationem Naturæ, quæ orbitatem alibi, alibi sterilitatem facit.

Et nisi hic ponatur modus, paupertas urbem occupet; improbitatem, injuriam, seditionem tantquam gnatas inductura.

Re-

Rectius profectò Phido ille Corinthius, Legislatoꝝ inter vetustos. Statuit enim, & numero & censu cives æqvandos esse, qvamvis initio fortes essent inæqvaless.

Qvòd etiam discrimen inter eos qui regunt, & qui reguntur? Nul- lum, aut qvasi in nebulâ similitudi- nis laborans.

Stamen nobis & tramam propo- nit; illud è præstantiori lanâ, & imaginem Magistratus esse; hanc è viliori, Cíviumq̃.

Qvasi dicat, præstantiori animo opus esse, ut quis regat; vilem ob-sequio sufficere.

Alius etiam error: Ad quadruplum augeri singulorum posse bona; agros tamen omninò eximi. Agri igitur bona non sunt, aut bona augeri, & non augeri, idem est.

Alius, prorsùs Oeconomicus: In  
ha.

habitationem duas unicuique assignari, Domorum areas, easque disjunctas: sed duas habitare domos, difficile est; difficilius, disjunctas.

Et partes quidem sic se habent: universè quæ constitutio? non Democratica, sive Popularis, non Oligarchica, sive Paucorum; sed ex his mixta, quam Πολιτείαν, sive *Rempublicam* apellamus; & in quâ omnibus communiter arma permissa sunt.

Hæc igitur forma, vel tanquam maximè usurpata vel tanquam optima, post primam illam placuit. Si ut maximè usurpata, non malè; si ut optima, non benè.

Nam fortassis præstantior Spartana, aut quæcumque alia, Aristocratiæ propior.

Optimam quidem nonnulli censent, quæ ex omnibus temperata.

Et sic optimam Spartanam, è Monarchiâ,

narchiâ, Oligarchiâ, Democratiâ.

Ex Monarchiâ, quia duo Reges sunt; Oligarchiâ, quia Senatus est; Democratiâ quia Ephori, de quibus plebe sumpti.

Nisi tamen Ephorum imperium magis Tyrannicum putes; quod reliquum est, ratione sodalitatum & vitæ quotidianæ communione, ad Popularem statum accedere.

At bonæ illæ Platonis Leges optimam Reipublicæ formam è Tyrannide & Democratiâ constant: quæ duæ profectò, vel Reipublicæ non sunt, vel deterrimæ.

Sanius igitur, plures miscere; quæ enim coalescit è pluribus, melior firmiorque est.

In Platonica hâc verò frustrâ Tyrannidis nomine Monarchiam accipias: omnia namque vel Oligarchiam, vel Democratiâ induunt.

Et

Et magis istam ; uti è Magistratum ratione & creatione manifestum est.

Magistratus suffragio, & sorte constituitur. Post suffragium sorte uti, ut electionem restricto numero casus corrigat, id suffragio tenus Oligarchicum est; sorte, Democraticum.

Sed locupletiores concionibus interesse, rogare Magistratum, aut simile munus, reliquis exclusis, obire, Oligarchicum est.

Imò eos ipsos præ reliquis evehi, & majori censu ad majores dignitates, pariter Oligarchum est.

Senatûs quoq; annua electio à Democratia abit, suffragiis ad opus, lentiores & sic ad paucos, callidè revocatis.

Quatuor civium classes sunt, censu distinctæ: Electio ex omnibus, & ab omnibus.

Eli-

Eligunt è primâ omnes reliquarum classium, & necessariò tantquam coacti ad suffragium, nonagenos.

E secundâ quoq; omnes, & necessariò, rursusq; nonagenos.

E tertiâ omnes, sed non necessariò Quartani, itemq; nonagenos.

E quartâ omnes, sed nec Tertiani necessariò, nec Quartani, pariterq; nonagenos: quâ ratione suis circulus partibus impletur.

An satis? E nonagenis singulis quini & quadragenii suffragio sumuntur; suntq; centum octoginta; ex his demum nonageni, non jam suffragio, sed sorte; qui è trecentis sexagenis reliqui sunt.

Quid sequatur vides: Vincent suffragio, qui censu: coacti enim non sunt, nisi qui sic vincunt.

Quid etiam? Ad novam designa-



tos electionem ducere, periculo non vacat.

Conspirare paucos satis est: pauci quos nolis, suo arbitratu evehent.

Quia à multis ad paucos venit, sæpiùs eligendo; etiam pauci faciliùs conspirare, quàm multi poterunt; & obnoxia paucis electio erit.

## CAPUT V.

*Phalea Chalcedonenſis de Republicâ opinio.*

**A**LIAE quoq; formæ sunt, à Privatis, à Politicis, à Philosophis & Sapientiam professis.

Meliores verò utrâq; hâc Platonicâ, & viciniore iis, quæ hodiè in usu: quippe sine insolenti istâ communione liberorum, uxorumq;.

Potior tamen quibusdam bonorum ratio est, quasi ab hoc fonte omnis in Rempublicam seditio derivetur.

Hinc

Hinc præcipuè Phaleas Chalcedonensis æqualitatem bonorum utilem censuit.

Facilem quoq; sed in ipso Civitatis conditu: deinceps difficilem.

Superari difficultatem posse, si, qui divites sunt, dotem dent, nec accipiant.

Plato autem in Secundâ Republicâ idem, non idem statuit. Placuit æqualitas in auris: inæqualitas quadruplo lucri definita est.

Rudes verò legum hi conditores; nisi circumscriptis bonis, liberorum multitudinem ad numerum revocent.

Etenim censum si liberi superent, vel antiquari legem, vel certè à divitiis ad paupertatem civium plerosq; trahi necessum est: hos autem novis rebus non studere difficile est.

Sed

Sed bonorum tamen æqualitatem aliquam Reipublicæ commodam esse, ne Veteres quidem ignorârunt.

Solon quidem, si non omninò æqvavit bona; restrinxit tamen, certos in Republicâ census distinguendo.

Alibi lex est, nequis quantum velit agri emat.

Apud Locros verò, nequis vendat, nisi manifestâ calamitate impulsus.

Apud Leucadios, Nequis τῶς παλαιούς κλήρας, *partes initio attributas* imminuat: qui profectò dum legem tollunt, & censum confundunt, in Democratiam soluti sunt.

Sed ne satis hoc quidem, Bona æqualia esse. Quid enim si nimia? nónne luxu inducunt? Si præangusta? nónne sordes, artesq; malas?

Itaq;

Itaq; mediocritas magis, quàm æqualitas necessaria est.

Et frustra mediocritas, nisi lege & ratione regatur.

Omnino ad modum ipsi animi redigendi sunt; ut cupiditates potius, quàm opes exæquentur.

Hoc volui, dicit Phaleas. Æqualitatem enim non ad bona hic tantum, sed ad disciplinam referri: bona omnibus paria, disciplinam unam & eandem esse.

Sed esse, satis etiam non est, nisi bona sit: bona autem quomodò, si ad mala ducit, ambitioni vel avaritiæ? vel utriq; fibulam laxans.

Sanè non minùs eminere, quàm abundare omnes cupiunt; non divitiis tantum, sed honoribus pares esse.

Gemino sic quoq; stimulo ad seditiones exsurgunt: plebei quidem  
illo

illo divitiarum, quas inæquales esse; meliores illo honorum, quos æquales esse pariter indignantur.

Achillis apud Homerum quærela est:

Ἐν δὲ τίμῃ ἢ μὲν κακὸς ἡδὲ καὶ ἰσθ-  
λός:

*Strenuus ignavusq; pari censemur  
honore.*

Ita verò homines sunt, ad injuriam inferendam proni: non tantum, ut necessitatem depellant; sed ut vel avaritiam, vel voluptatem expleant.

Et ponamus igitur, necessitatem æqualitate bonorum tolli: avaritiæ certè & voluptati inæqualitas concedenda est.

Si remedium voles: egentibus parvæ opes, sed labore & industria gubernatæ, avaris Temperantia, voluptuariis ipsa Philosophia erit.

Phi-

Philosophia, inquam; quæ veræ ac solidæ voluptatis mater est; quæ hoc agit maximè, ut in se inveniatur quidquid svave est, ope, quâ alia ferè gaudia indigent, abdicatâ.

Sed ad minora plerumq; flagitia necessitas, quàm luxuria trahit.

Quis tyrannidem exercet, ut frigus aut famem pellat? Levius furtum, quò cibus aut vestis quæritur.

Hinc etiam majori affici honore solet, qui tyrannum occidit, quàm qui furem.

Phaleas igitur hoc egit tantum, ut parva delicta, è Republicâ suâ tolleretur: parvis enim duntaxat admota remedia sunt.

Hoc etiam, ut inter cives rectè quidem gerantur omnia; sed omis- sis, quæ adversus vicinos, & exter- nos.

Dixeris, de pace tantum, non de bello

bello constitui; quasi nullos unquam hostes habituri, qui ut cives formandi sunt.

Sic bona, tanquam paci, non bello serviant, distributa: quæ tamen non ad civiles modò usus, sed militares necessaria sunt: prorsus ut imminetia aliunde pericula propulsentur.

Damnosæ igitur opes, quæ magnitudine suâ vicinos potentesq; ad bellum excitant, & hostem merentur.

Damnosæ pariter, quæ dum oppugnantur, defendi nequeunt: quæ parvitate suâ bello impares, licet pares sint qui oppugnant.

Optimus sic quidem modus est; qui cum modicam potentiam reddit, spem hostibus præde præscindit.

Etenim bellum gerere, ut sumptus victoriam superent, clades est.

Anto-

Autophradates Atarneum obsessurus, & ab Eubulo morâ expensamq; jussus expendere; quia majorem oppido invenit, incepto destitit.

Ut isthuc redeam, Consopendis quidem seditionibus æqualitas bonorum inepta non est; sed nec prorsus apta.

Etenim qui præstantiores sunt, nihil ægrius ferunt, quàm cum reliquis censerî: unde conspirationes, & alia Reipublicæ mala.

Prætereâ, nec improbitas expleri humana potest, crescens semper & cum ipsâ se Fortunâ dilatans.

Ab obolo ad infinitum veniet & ubi omnia acceperit, nihil satis erit

Cupiditas infinita est; & hoc agunt omnes, ut eandem satient; quasi ad hoc nati, ut satient.

Quid agendum igitur? non ut bona æquentur, sed ut bonæ leges sint; quibus plus æquo possidere



boni nolint, mali nequeant.

Id fiet autem, si & pauciores sint, qui mali; nec injuriâ à bonis mali irritentur.

Ita etiam bonorum hæc æqualitas instituta est; ut soli agri bona sint. Ubi igitur servi, pecora, pecunia, suppellex?

Aut hæc quidem ad æqualitatem, sive ordinem aliquem, & mediocritatem reducenda sunt, aut omittenda omnia.

Quantilla denique hæc Phaleæ Civitas est? opifices omnes, quia publici velut servi sunt, cives non sunt.

Quid? publicos esse sino, servos esse non sino. Sino, ut publicis in operibus à civitate occupentur, & numerum in civitate faciant.

Ita Epidami hæc etiam tempestate fieri videmus, & Athenis olim Diophantus instituit.

F

CAPUT.

*Respublica Hippodami Milefii ad  
examem vocata.*

**H**IPPODAMUS Milefius Euryphontis filius, cùm Architectus esset, etiam fabricare Rempublicam voluit: vir animi corporisq; cultu curiosior: à quo in vias & vicos urbes primùm descriptæ sunt, atq; ipsa adeò Piræus.

Numerum civium decem millibus definitum esse voluit: & in Opifices, Agricolas, Milites divisum.

Agrum quoq; vel Sacrum esse, vel Publicum, vel Privatum: è Sacro sumptus ad rem divinam sumi, & Sacros esse; è Publico Milites, è Privato Agricolas ali.

Legem omnem vel ad Contumeliàm, quæ famæ est; vel ad Damnum quæ bonorum; vel ad Cædem, quæ corporis, referri: sic & pœnam ignomi-

nominiâ, mulctâ, morte constitui.

Inter tribunalia unum velut decumanum, & è senioribus esse, judiciorum quasi judicium, & causarum supremum examen.

Sententiam non calculis, sed tabellis ferri; adscriptâ causâ, si quis simpliciter, vel ex parte condemnaret; vacuis, si quis simpliciter absolveret. Aliter enim justum esse judicem non posse.

Scivit etiam, ut quicumq; rem Civitati utilem invenisset, honore afficeretur.

Ut liberi eorum, qui pro Republicâ occubuissent, publico sumptu (quod tamen & Athenis, & alibi in usu fuit) alerentur.

Deniq; ut omnis à populo magistratus eligeretur. A populo, inquam, in Opifices, Agricolas, Milites diviso. Et eligeretur, ad res

communes, ad hospitum, & pupil-  
lorum curandas.

Quid dicimus? Ad divisionem  
quod attinet populi, Agricole quomodo  
cives sunt, si armis destituti?  
quomodo opifices, si agris & armis.

Aut cives non sunt, aut cives si-  
mul & servi sunt; quia militibus  
obnoxii, penes quos armorum po-  
testas residet.

Si tamen cives; vel honorum  
participes sunt, vel non sunt; de-  
inde, vel omnium, vel aliquorum.

Si non sunt, animo à Republica  
alieni erunt; quam suam non pu-  
tabunt.

Omnium verò esse non possunt;  
quia arma omnes non habent: ex  
his enim solis, ceu dignioribus,  
summus magistratus (ἐξ ἀληθινῶν καὶ  
πολιτοφύλακας intellige (cooptatur.

Nec quorundam; quomodo enim  
erunt?

erunt? Sanè potentiores sunt, qui armati; & plures, qui potentiores; ut suo etiam numero reliquos excludant.

Opifices quidem necessarii, sine quibus nulla Civitas est: & hi, ne aliunde vivant, suâ se arte sustentant.

Agricolæ verò in quem usum, nisi victum parent Militibus & præbeant? Hic verò sibi duntaxat vivunt, sibi agrum colunt, quia suum.

De victu quoque publico quid fiet, quo Milites alendi sunt? An hi ipsi qui arma gerunt, ad aratrum venient? sed sic Milites Agricolaë fient, & Respublica confundetur.

Dices: Erunt qui privatum, & erunt prætereà qui publicum colent agrum. Sed hi in nullâ jam parte Reipublicæ erunt, vel quartum ordinem constituent, cives non cives

Præ-

Prætereà, quia pauciores, impares quoque gemino huic labori erunt: solum autem, quia negligentius, & minori coletur fructu, alendis simul Agricolis Militibusque non sufficiet.

Lex de judiciis, nihil ad judicia facit: quia enim & causa communicanda est, & sententia dividenda, judicem, velut arbitrum facit.

Quippe solenne juris scitum est, Ne capita inter se conferant, aut communi agant consilio, qui judicant.

Dividi etiam sententia nequit, nisi ut iudicium fluctuet.

Dividitur autem, quando à petitione actoris iudices recedunt: diversum quoque, quoties recedunt, iudicaturi.

At perjurium Hippodamus metuit. Frustrà: nemo enim qui simpli-

pliciter vel absolvit, vel condemnat, pejerare cogitur, quando simpliciter lis intenta est.

Petuntur viginti minæ; debentur decem: qui absolvit, non simpliciter absolvit, quasi nihil debeatur; sed quia non debetur, quod petitur.

Ad petitionem igitur, non ad veritatem sententia referenda est.

Perjurus autem erit, vel perjurio proximus, qui cum sciat nonnisi decem deberi minas, vicens reum condemnabit.

Rerum novarum utiliumque inventioni præmia lege decerni, pulchrum magis, quam tutum est: quia non sine calumniis, imò non sine motu, aut majoris mali metu.

Sed non aliena Quæstio: An Leges patrias, antiquitus institutas, novis & melioribus mutare fas sit? Non simpliciter, nisi publica utilitas impellat.

Re-

Rebus autem in omnibus, semper periculosum est innovare, sæpè perniciosum.

Nonnullis tamen aliter visum, artium ac disciplinarum exemplo; quæ quia paullatim auctæ, utiliores evasere: sed inter artes ac disciplinas Politicam censerì.

Præterea, Priscis illis Institutis multum plerumq; imperitiæ ac simplicitatis inesse.

Græci olim nōne *ισιδυροφονοι*, cum ferro incedebant? Ita hodiè Barbari, tanquàm armis, non legibus vivant, bellum vel in pace circumferentes.

Amplius: Nōne & uxores emere ac vendere soliti? Rudes igitur, ridiculi, stulti.

Apud Cumanos adhuc de cæde facta lex est: Si accusator aliquem è consanguineis suis testium nu-



mèrum produxerit, reum condemnari ac plecti.

Omni bus profectò in rebus, non quod usitatum, sed quod bonum est, omnes quærun t.

Primos verò homines, sive è terrâ natos, sive è generis totius interne cione superstites, bardos, stupidosq; fuisse verisimile est.

Sanè adhuc qui stolidæ mentis sunt, terræ filios, atq; adeò ἀρχαίους, id est, *Antiquos*, appellamus.

Quid etiam? Leges quæ ad tabulas relatæ sunt, imperfectæ sunt: antiquæ enim, & sic potissimum mutandæ.

Ut enim in aliis artibus, ita in Politicis est: nihil autem primordiò sui plenum ac perfectum.

Gradus quidam sunt: ac primò καθόλως, sive *universè*: paulatim, ἀκριβῶς, sive *exquisite*, &

singulatim scribi omnia solent.

Et leges quidem de actionibus humanis sunt: actiones cum in singulis versentur, non in universis, quasi infinitæ sunt: singula autem non nisi usu & experientiâ observantur.

Quid velim vides: Leges quasdam, mutari aliquando posse.

Alii tamen mutationem istam, damno & commodo velut collatis, religiosius expendunt.

Quomodò? commodum, quod mutatione quæritur, cum magnum non est, magnum autem sit damnum, quod ipsa mutatio adferat; melius esse, & in Legibus, & in Magistratibus, ut tolerentur quædam, quàm tollantur.

Imò melius, ut parva potius aliqua mala sint, quàm inducantur, quæ apparent tantum bona.

Nec;

Necq; enim qui mutaverit Leges, tantum boni dabit, quantum mali, qui ad consuetudinem mutandi, & sic non parendi, cives duxerit.

Artes autem ac disciplinæ frustra in comparisonem adductæ sunt. Aliud namq; est, Artem mutare, aliud Legem.

Ars suis præceptis, Lex usu continetur, & valet. sed usus solo tempore robur sumit.

Dixeris, valere leges, quæ diu fuerunt: vi & vigore spoliari, quoties mutantur.

Mutentur quoq; An igitur omnes? & in omni sive Regni, sive Reipublicæ statu? Alius statuatur.

## CAPUT VII.

*Respublica Lacedæmoniorum.*

**N**OBILISSIMA Lycurgi institutis Sparta est: an tamen optimis? annon & alibi reprehendendis?

Ante

Ante omnia, ut Respublica sit, vitæ subsidia & fulcra necessaria sunt? quæ agriculturæ beneficio habetur.

Sed quoniam agros colent? An cives? at decet eos, præsertim qui eminent ac præfunt, à vili sordidoque opere immunes esse.

An igitur servi? sed timendi sunt.

Penestæ quid non in Thessalos? Hilotæ quid non in ipsos Lacedæmonios moliti?

Securior quidem à Pericæcis suis Creta fuit, quamvis eadem conditione.

Civitates enim si quæ bello collisæ, in auxilium non admittebant servitia hostium; ne eandem à suis perfidiam paterentur.

At Spartanis quot vicini, tot hostes erant: Argivi, Messenii, Arcades: hostes quoque ipsi Hilotæ, quoties occasio transfugiendi daretur.

Nec

Nec Theſſalis fideliores Penefteꝝ,  
qvoties cum Achivis, Perrhæbis,  
Magnetibus bellum eſſet, in domi-  
nos inſurgentes.

Hoc igitur genus hominum qvò-  
modò tractes? Si indulgenter, in-  
ſoleſcit, atq; à familiaritate factum  
ſumit: ſi durè, odiſſe & inſidiari  
incipit.

Etiam mulierum hîc licentia in-  
utilis Reipublicæ, & gravis eſt.

Illæ tamen, ut alteram partem  
domûs, ita & Civitatis conſtituunt.

Unde ubicumq; extra legem &  
diſciplinam vivunt, dimidium Ci-  
vitatis malè ſe habere, & non eſſe  
Civitatem, dixeris.

Voluit qvidem comuniem omni-  
bus & promiſcuam laborum tole-  
rantiam Legislator inducere: ſed  
qvomodò? ſi viros ſpectes, indu-  
xit; ſi feminas, nequaquam.

Hæ

Hæ namq; in luxum & lasciviam effusæ, quia nullo freno retinentur, vitiis indulgent.

Ita, ubi luxuria viget, etiam in pretio opes sunt, & avaritia nascitur: ab opibus tamen Spartani vel Lege alieni erant.

Sed quia nimium uxoribus dediti, & tantum non in earum potestate; haberi tanquam exleges poterant.

Sanè populi ferè ubiq; bellicosi, etiam *γυναικονκαίςμφοι*, sive imperio feminino obnoxii: nisi Celtas excipias, in masculorum amorem pronos.

Pulchrè sic quidem ac prudenter, qui Veneri Martem junxit. Martiales enim isti omnes nescio quid venerèum spirant, fortes & mulierosi.

Itaq; Spartanus Mars suam quoq; Venerem habuit: aliquod in viros fœminæ imperium, imò ali-

aliquod in Rempublicam ipsam.  
Putes servos quodammodo esse,  
qui præsunt; quia feminis subiecti  
sunt.

Sive enim rerum potiantur femi-  
næ, quæ ad parendum natæ sunt,  
sive sub imperio feminarum sint  
virī, quibus datum est potiri re-  
rum, eadem incommoda sunt.

Audacia an utilis sit, bello, non  
pace statuas. Sed Lacenæ, pressa à  
Thebanis duce Epaninondâ, urbe,  
minùs quàm feminæ fuerunt; &  
majori tumultu quàm ipsi hostes.

Feminæ, sed uxores tamen: quæ  
ad bellum Argivum, nec non Arca-  
dium, Messeniùmque profectis mari-  
tis, diuque absentibus, hoc cepere  
solatii, ut plus jam quàm uxores  
fierent

Dignum verò aliqui excusatione  
Lycurgum censent; quasi facilio-

res ad leges viros, quàm feminas habuerit.

Viros enim, quia militiæ obnoxios, & obsequio assuetos, Leges in otio nullo negotio amplexos esse: mulieres, ut ingenio libero ac pravo aspernatas.

Sed profectò culpa sic major in Legislatorem recidit. Quippe non tam quæritur, cui venia danda sit, vel non sit; sed quid benè, aut secus institutum.

Cæterum, non possunt solutæ legibus haberi feminae, nisi ut publicè privatimq; protervæ ac turpes sint; ac deinde sumptu dapiles avaritiam inducant.

Etiā possessionū inæqualitas reprehensione digna, Magno namq; Reipublicę vitio magnę nonnullis fortunæ sunt, aliis curtæ & exiguæ.

Et quid mirum igitur, univ-



versum ad paucos agrum trahi?

In causâ Leges, quæ cum venderent, aut emere bona non permitterent, non prohibebant tamen, vel donare mortis causâ, vel legare.

Eodem prorsus hîc incommodo: non minùs enim transfert & alienat qui donat, quàm qui vendit.

Et quantum igitur ab Æqualitate recessum est! E quinque agri partibus duæ propemodum feminarum sunt, beneficio successionis, ac dotis.

Successionis, quæ uberrima feminis, quia multi bello viri pereunt.

Dotis, quæ cum modum omnino excedat, huc potius redigenda erat, ut vel nulla esset, vel certè temperata.

Nunc etiam parenti jus est, filiam cui velit nuptum dare: volet autem non nisi ditiori. Quod si in-

testa-

testatus ille moriatur, dandi potestatem proximus hæres capit.

Hinc jam facilè colligas, cur ager Spartanus, qui mille quingentis aliquando equitibus, pedum decem millibus par erat, vix jam mille alar.

Ad feminas nimirum magnâ ex parte devolutus est.

Sic quidem ab inæqualitate possessionum civium paucitas nata est, & hinc calamitas.

Tam facilè enim cadere Sparta potuit, quàm lædi: siquidem una plaga exitio satis; una, inquam, in prælio Leutrico accepta.

Quia longis igitur bellis consumi cives poterant, existimant aliqui, à primis Regibus peregrinos quoque in civium numerum adscitos.

Esto: exæquatione tamen bonorum malim, quàm aliis modis frequentiam inducere.

Lex

Lex etiam, quæ de liberis creandis lata, obest: multitudo quæritur, & impeditur.

Cùm hoc agit Legislator, ut liberorum quisq; fœcundus sit; hoc agit simul, ut diviso magis agro, cives non plures reddet, sed pauperiores.

Et quæ igitur ista lex? Qui trium est liberorum pater, ab excubiis immunis vivito: qui quatuor, ab oneribus quibuscunq;.

Jam verò Ephorum magistratus non rectè se habet. Summus est, & tamen è plebe.

Quid? quia paupertati potestas jungitur, aut iniqua, aut venalis est.

Exemplum non unum: sed novissimum in Andriis, sive Sodalitatibus cœnisq; publicis; ubi corrupti nummis Ephori Rempub-

publicam quasi everterunt;

Et quæ hæc potestas? nimia, & propè tyrannica: cum Reges quocumque ipsos obnoxios habeat, non sine manifestâ Reipublicæ læsione.

Etenim Aristocratia in Democratiam commutata est.

Quid tamen? Et laudes hoc imperium Ephorum, & damnes; si-  
ve casu, si-ve consilio constitutum.  
Laudes, tanquam fulcrum civi-  
tatis atque vinculum. Plebs enim  
tâm eximiâ dignitate delinita non  
facile ad res novandas consurgit.

Omninò publicè utile est, sic di-  
stribui Civitatem, ut se quisque, tan-  
quam membrum tanti corporis  
sciat.

Utile, sic distribui munia, ut  
communia sint, & privati cujusque  
desiderio sufficiant.

Fict sic quidem, quod laudatis-  
simum

firmum est: ut præsentem civitatis  
statum commutari nemo velit.

Imò fiet alibi, quod Spartæ fit:  
Reges, Senatores, Ephori erunt.

Isti diadematis splendore & po-  
testate contenti, quia supremi.

Illi honorè, ceu virtutis præmio,  
cùm honestiores fiat.

Hi prærogativâ suâ, quæ quia  
plebejis conceditur, & sic omnibus  
in officio omnes continet.

Damnes tamen Ἐφορίαν; quia  
plebeja est, & à reliquâ Reipubli-  
cæ constitutione aliena.

Quomodò feras, homines pro-  
letarios judiciis maximis præfici?  
non è legum præscripto, sed suo  
arbitratu sententiam ferre? de ci-  
vium famâ & capite statuere; imò  
Regum?

Quomodò etiam, in extremâ  
morum asperitate, luxu eos diffue-  
re,

re, qui cùm imperium sumunt, è plebe se esse obliviscuntur?

In extremâ, inqvâm: quæ cives plerosq; vix finit homines esse: & sic magis in voluptates furtivas stimulat.

Sed nec in senibus sive Senatoribus sana omnia. Probi licet sint, malè tamen perpetui.

Sua ut corpori, ita & animo se-nectus est: non semper laboribus corpus, nec semper consiliis animus aptus est.

Probitas etiam an hîc secura semper? Legislator dubitavit: quædam enim ab ipsis remove re Senatoribus judicia voluit.

Et satis hi quoq; ostendunt, nihil à se humani alienum esse, nunc sordidi, nunc ambitiosi.

Et cur igitur à rationibus quoq; reddendis immunes?

An

An hoc satis, Ephoris inquirendi jus & potestatem esse? Malè est, quod nimis est; & qui malè reddit rationem, reddit, quasi non reddat.

Modus quoq; creandi Senatum puerilis est; quia à populi acclamantis favore dependens.

Imò perversus est, cum nemo assumatur, nisi qui petit; nemo ferè soleat petere, nisi qui ambitiosus est.

Merentem eligere quantò satiùs erat! Sed qui meretur, velit nolit, eligendus est.

Hic autem, quia mereri satis non est, ambitio fovetur: ingens malum, præsertim si avaritia accedat.

Nemo enim in Republicâ sponte peccat, nisi qui aut ambitiosus, aut avarus est.

De Regibus an dicemus? Hi bini, & è genere Heraclidarum. Præstabat

bat autem, virtutem spectare,  
quàm genus.

Bini, inquam, sunt; quasi aliter  
boni esse non possint. Spartani  
sunt; sed nec id satis, ut boni.

Homines esse, & malos esse pos-  
se, ipse Legislatores confessus est;  
quia non uno freno coërcuit.

In Legationem ituris dari colle-  
gæ, sed tanquàm arbitri solent; eò  
acriores, quia infensi & infesti.

Quid etiam? Inter arcana Regni  
fuit, Reges dissidere: discordiâ in  
salutem computatâ.

Scilicet, si mali essent, nihil à dis-  
cordibus metuendum erat mali: si  
concordes, nihil oberat bonos esse:

Aliquid etiam absurdi *ῥιδικία*, si-  
ve publica illæ *Cenæ* habent: quia  
non ut in Cretâ, publico sumptu;  
sed privato cujusq; fiunt.

Ita verò quod tanquàm solatium  
erat,



erat, in onus commutatum: & quia plures hîc pauperie premuntur, non possunt ali publicè, nisi ut privatim pereant.

Alia tamen Legislatoris mens erat: delinire plebem, quæ nunc misera est; & æquare ordines, qui nunc separantur.

Etenim symbolæ quisquis impar est, lege à Phiditiis arcetur: ab omni autem honore & magistratu seclusus est, quem Phiditia non recipiunt.

Navarchos, sive classis Præfectos instituere, id verò erat fluctus in Republicâ excitare.

Reges autem cùm perpetui belli Duces sint; non possunt Præfecti classis esse perpetui, nisi tanquam Reges sint.

Hâc igitur ratione potestas potestati infesta est, regnum regno.

G

Sco-

Scopus ipse, quem sibi Legislator proponit, reprehendendus est; quia à felicitate alienus.

Una in pretio virtus rei militaris; & huc diriguntur leges omnes; ut qui pugnant, possint vincere, pace, ob quam pugnant, neglectâ.

Quid factum? quamdiu bello occupati, fuerunt incolumes: imperio potiti perierunt.

Omninò facilius est, vincere quam regere; in armis, quam otio esse, quando artes, quibus pax colitur, non discuntur.

Hinc & ille error: quòd cum bona Fortunæ, ob quæ geruntur bella, virtute putent, non ignaviâ parari; bonis tamen virtutem postponant.

Mireris denique, sterile, aut nullum Ærarium esse, bellum continuum: ad arma promptos, ad tributa

tributa lentos ac remissos.

Sed hæc etiam Legislatoris culpa est, qui privatum conatus augere censum, publicum imminuit: quo gemino malo, ad avaritiam cives, ad inopiam Civitas venit.

## CAPUT VIII.

*Respublica Cretensium.*

**S**PARTANÆ Reipublicæ velut mater Cretensis est: ut non deterior in paucis; ita rudior in plerisque, quia antiquior

Rerum hæc conditio est: formam paullatim & elegantiam sumunt, ab origine imperfectæ.

Lycurgus, abdicatâ Charilai tutelâ, in Cretam profectus, cum apud Lyctios, Lacedæmoniorum colonos, ageret, Minoïs collegit Instituta, atque Spartam transtulit.

Non frustra autem in Cretam;

quæ ad imperium Græciæ à naturâ quasi facta & collocata est, mari undiq; imminens, populisq; per disjuncta litora circumfusus.

Minos ipse, munito novis Legibus Regno, arma, & vivendi simul ritus in Græciam, insulasq; invenxit, donec & Siciliam aggressus, interiret.

Instituta utriusq; hujus Reipublicæ examinanda sunt, & similitudo apparebit.

Ut apud Spartanos Hilotæ sunt, qui agros colunt: ita apud Cretenses Pericæci.

Deinde utrobiq; Sodalitates, si-  
ve Convivia publica, eodem aliquando nomine. Quæ enim Phiditia Spartanis, primò Andria appellata: Andria autem adhuc Creten-  
sibus dicuntur.

Forma quoq; Reipublicæ ac descriptio

scriptio: apud illos Ephori, apud hosce Cosmi: diversi numero, iidem potestate.

Ephori quinque duntaxat, tanquàm pauciores Cosmi: Cosmi decem, tanquàm plures Ephori.

Senatus pari utrobique ratione & auctoritate: è senibus enim: & sic apud Spartanos γερυσία *Senatus*; apud Cretas βελή *Consilium*.

Regnum quoque olim apud Cretes: sed tradito postea Cosmis belli imperio, abrogatum.

Concionis omnes participes sunt; non ut arbitrio suo quæ agenda sunt statuunt, sed ut suffragio solum quæ à Senibus & Cosmis statuta sunt, confirmant.

Convivia publica in Cretâ magis, quàm Lacedæmone publica sunt.

Hic enim suam quisque ac præfinitam ferre symbolam cogitur, aut

Civis

Civis esse definit; illic è fructibus & vectigalibus publicis sumptus fiunt.

Omninò, qvicquid ad cultum Deorum pertinet, qvicquid ad munia Urbis & alimenta, de publico sumitur: sic viri omnes, feminae, pueri vivunt.

Victus ratio laude imprimis digna est, quia ad regulam qvodammodò Sapientiae redacta, usui, non luxui servit.

Qvid connubia? ne prole gravarent domum, adjuncta divortia habent.

Sed an ideò ad puerorum consuetudinem voluptas ducenda est? Qvid agis Minos? aut quid naturae adversaris? Venerem sine muliere coli, nefandum est.

Cosmos verò cum Ephoris si compares, rectius multò se Sparta habet.

Qvic-

Quicquid in Ephoris vitii, etiam in Cosmis; & amplius in Cosmis, quàm Ephoris.

Ex omnibus eliguntur Ephori, è paucis Cosmi: præstat verò ex omnibus; ut ad se quisq; Rempubli- cam putet pertinere, salvamq; cupiat.

Senes quoq; non nisi è Cosmis, id est paucis: quæ quidem ratio non tam Reipublicæ, quàm Paucorum statui apta est.

Sed rationem non reddere, & perpetuum esse munus, tam apud Spartanos, quàm Cretes nimium, ac notâ dignum est.

Pariter non è formulâ scripti juris, sed pro suo quemq; arbitrato Rempublicam administrare, periculi plenum est.

Et quid mireris, durasse sic tamen Cretenſium Statum? Insulam cogita

cogita: non meliores Cosmos Ephoris, sed tutiores fuisse.

Si delinqvant verò, præceps, imò factiosa medicina est: nam vel à Collegis, coitione factâ, vel à Privatis quoq; urbe proturbantur.

Licet interim, ut pœnam evadat, & urbem retineat, noxio aut turbulento munus abdicare.

Quantò igitur satius tutiusq; lege hæc omnia, quàm libidine fieri, si fas fieri.

Vitium hîc quoq; decumanum, petulantia Potentum: malunt enim fluctus in Republicâ concitare, populumq; factionibus collidere, quàm pœnæ obnoxii esse.

Hæccine Respublica? factio, imò dynastia est; quam disjunctis à populo amicis usurpant, qui cùm rei sunt, Reges videntur fieri.

Non esse Civitatem cogita, quæ  
tur-



turbata est : perire posse , quæ concuti potest.

Sanè, periculo aut ruinæ proxima est, quam qui volunt, & cum volunt invadere, etiam possint.

Ad summum, Creta insula est : mari clausa arcet peregrinos, & in officio Perioecos continet.

Sed quid? invadant hostes : imbecillitas apparebit ; imò jam apparuit.

Si rectè rationem inis : undis magis, quàm legibus Cretes muniuntur.

## CAPUT IX.

*Respublica Carthaginiensum.*

**E**TIAM Carthago egregiis institutis eminet, aliquid sive Spartæ, sive Cretæ repræsentans.

Hinc formam suam, licet popularem, servat; tam quieta, quàm li-

G s

bera

bera; nec seditionem, memorabilem quidem, nec Tyrannum passa.

Amicorum hinc Sodalitates, tanquam Spartanorum Phiditia sunt: Centum quoque quatuor viri, tanquam Ephori.

Et tamen Centum hos quatuor viros malis; quia non ex omnibus, sed ex optimis creatos.

Reges malis etiam, neque ex eodem semper genere, neque ex quovis, sed ex præstantiori desumi.

In Senatu autem non tam ætatem aut cognationem, quam virtutem spectari.

Viles enim, & ex facie homines si honore & potestate augeantur, Reipublicæ graves sunt; ut jam Spartæ fuerunt.

Sed Carthago & promiscuis, & propriis vitiis laborans, à formâ primigeniâ deflectit.

For-

Forma ex Aristocratiâ & è Republicâ mixta est: at Instituta partim in Oligarchiam, partim in Democratiam diriguntur,

Quid enim? Reges cum Senatu deliberant & statuunt: ad populum autem vel referendi, vel non referendi potestatem habent.

Si consentiunt, non referunt; si non consentiunt, referunt: populus sic verò plenam deliberandi, & statuendi potestatem capit.

Quinqueviros vide, magnarum rerum arbitros. Hi centumviros, & se è Centumviris eligunt, in demortui locum collegam subrogando: quod Oligarchicum est.

Hoc etiam: prorogari imperium, dum qui sic eliguntur, & à Centumviratu ad Quinqueviratum transeunt, intumescere solent, adeoq; post ipsum quoq; Magistrat-

gistratum imperium retinere.

Laudes tamen, sine mercede ullâ Magistratum geri; non sorte, sed suffragiis creari: quod Aristocraticum est.

Imò laudes, nec judicia dividi, nec iudices Tyrannos esse.

Spartæ enim non sine vitio causas capitales Senatus, civiles Ephori decidunt: alius aliam, hic de nuptiis, ille de testamentis, iste de contractibus.

Nihil verò ineptius, quàm opibus omnia in Republicâ æstimari: in Magistratu designando non virtutis tantum, sed & opum rationem haberi.

Negant scilicet fieri posse, ut egeat quisquam, & regimini aptus sit: pauper sit, & otium agat.

Quid igitur? divitiis censei Oligarchicum est; virtutibus, Aristocraticum.

craticum: videntur verò Aristocratiam Carthaginienses cum Oligarchiâ, Legislatoris vitio, cōfundere.

Ita potius ordinanda Respublica erat, ut in otio quisq; extra egestatem atq; dedecus viveret; sibi privatim, & publicè civibus sufficeret.

Omninò, poscit divitias otium, quod in Magistratu occupatur: sed divitiarum haberi ratio non potest, nisi ut Magistratus Venalis sit.

Hic autem pluris divitiæ quàm virtus est, civiumq; animi, quodam velut veneno imbuti, avaritiæ mancipantur.

Etenim, quicquid Rectoribus urbis in pretio erit, à civibus quoq; æstimabitur: illorum ab exemplo horum opinio dependet.

At verò ubi summum virtuti pretium non persolvitur, fieri non potest, ut Aristocratia vim suam obtineat.

De-

Deinde, pretio quisquis ad Magistratum venit, & cum sumptu honorem habet; quæstum quæret: vendet qui emit, vel ideò quia emit.

Minus autem à paupere & probo, quàm divite & improbo metuendum est.

Tamen in publico munere rei studebit privatæ, qui improbus & dives est, quàm qui pauper & probus.

Itaque qui ex virtute gerere Magistratum possunt, gerant.

Legislatoris autem erat, postquam paupertatem bonorum neglexerat, præcavere, ut qui præessent, remotum à sordibus otium nanciscerentur.

Vitiosum hic quoque, plura munia, quemadmodum opera, mandari. Unum namque tum fit optimè, cum ab uno.

In urbe verò non exiguâ popula-  
rius erit, ab uno ad plures munia  
extendi; singula ad singulos.

Ita in re bellicâ, vel etiam navali.  
Utrobiq; enim, cùm nemo sit, qui  
non vel imperet, vel pareat; per  
vices tamen quisq; agit quod suum  
est: commutat opus, ne cumulet.

Quid tandem? Cùm in Oligar-  
chiam suo quasi morbo ratio regi-  
minis inclinet, à divitiis remedium  
est: utile quidem, sed plerumq; in-  
certum.

Utile, dum vicinis coloniis Præ-  
fecturisq; urbium populus ditatur;  
& novam libertatis fiduciam vi-  
resq; sumit.

Incertum, quia à Fortunâ magis,  
quæ incerta, quàm à bonâ institu-  
tione dependet.

Legislatoris autem erat, certum,  
firmum, ac validum dare; aut certe  
ad-

adversus motus ac metus bonis  
Rempublicam legibus munire.

Nunc, si qua tempestas surgat, &  
ab obsequio cives abeant; nullum  
à legibus subsidium erit.

### CAPUT X.

*Respublica Atheniensium, sive So-  
lonis, aliâq; aliorum.*

**R**empublicam scribere non-  
nulli potuerunt, quam ne at-  
tigerant quidem, ingenio publici  
& Politici, vitâ & conditione pri-  
vati.

Gerere, & simul Legibus ordina-  
re, majus est: gerere suam, ordina-  
re vel suam, vel etiam alienam.

Suam Lycurgus, de quo dictum  
est: & Solon, de quo dicendum.

Hic igitur inter Legum Condito-  
res fuit, atq; Rempublicam suam  
simul constituit, laude, & fortassis  
reprehensione dignus.

Lau-



Laude, quòd abolitâ Oligarchiæ intemperantiâ, & quasi Tyrannide, Priscum civibus jus reddidit, totam pulchrè Rempublicam formando.

Senatus quidem Areopagiticus ad Oligarchiam pertinet, in quem non nisi optimi & certis dignitatibus functi cooptantur: electio Magistratum & suffragia, ad Aristocratiam: ratio judiciorum, ad Democratiam.

Sed Legislator reprehensione quoq; dignus videtur, quòd enervatâ quodammodò Optimatum potestate, judicia ad populum, & ad sortem transtulerit: ad judicia, quicquid majoris momenti in Republicâ tractaretur.

Quid factum? qui populo tanquàm Tyranno blanditi sunt, fœdâ adulatione Democratiam, quæ  
adhuc

adhuc obtinet, introduxere.

Ephialtes, & Pericles Senatum  
Areopagiticum depressum ivere.

Hic etiam Iudicibus mercedem  
primus constituit; & quid nisi mer-  
cenariam Justitiam fecit?

Ad eundem modum Demagogi  
deinceps, alius aliud moliti, quan-  
tum quis populo addidit, Reipubli-  
cæ detraxit.

Et quomodo tamen? casu magis,  
quam consilio illius, qui accusatur.

Etenim populus navali imperio  
Persis ad Salaminē devictis, in su-  
perbiam elatus, duces noluit, nisi  
qui adulescentes essent; regi noluit  
ab iis, quos obnoxios haberet.

A Solone igitur, quantum exige-  
bat urbis salus, populus accepit:  
jus creandi Magistratum, & admi-  
nistratæ ab iis Reipublicæ poscen-  
di rationem.

Utrum

Utrumq; verò nisi acciperet, fer-  
vus esset, imò velut hostis insurge-  
ret, necessum erat.

Magistratus omnis, ut olim, &  
Patriciis, & opulentis.

Qui igitur opulenti? Pentacosio-  
medimni, sive censu quingento-  
rum medimnorum; Equites, tre-  
centorum; Zeugitæ, ducentorum.

Sed nullo Thetes erant, sive mer-  
cenarii, & sic in nullo Magistratu.

Ne solum hîc Solonem laudem,  
accedat & Zaleucus, qui Locris E-  
pizephyriis; & Charondas Cata-  
næus, qui Civibus suis, & Chalci-  
densium in Sicilia Italiaq; colo-  
niis leges scripsit.

Volunt tamen aliqui, ævo & usu  
Onomacritum antecessisse, gente  
Locrum, incolatu Cretem, etiam  
divinandi arte instructum.

Hujus sodalem fuisse Thaletem,  
Tha:

Thaletis auditorem Lycurgum, nec non Zaleucum; Zaleuci verò Charondam.

Sed quid? De Onomacrito ratio temporis incerta est: de reliquis perturbata.

A Lycurgo enim ad Thalerem trecentos & ampliùs annos fluxisse, calculi indicant.

Clarus etiam Legibus Philolaus fuit, quas Thebanis ipse Corinthius, & antiquo Bacchiadarum genere, dedit; juxta Thebas, & juxta Dioclem suum, Olympionicen, sepultus.

Et quas leges? varias; sed præcipuè Theticas, sive de Adoptandi jure: quo sortes, sive agrorum partes, assignatæ singulis, stabiliuntur.

Charondas autem primus de perjurii poenâ scivit, tam accuratè & eleganter, ut laudem etiam aliorum extinxerit.

De

De communione uxorum, libe-  
 forum, bonorum, & feminis ad pu-  
 blica convivia admittendis, Plato.

De ebrietate quoq;, & Symposi-  
 archis, quos ficos semper & so-  
 brios esse voluit.

Insuper de exercitatione militari,  
 ac præcipuè, ut milites ἀμφιδέξιοι,  
 sive *ambidexteri* fierent: ratus, viri  
 esse, non alterâ, sed utraq;, quoties  
 opus, manu uti, & pugnare posse.

Draconis leges solâ acerbitate  
 nobiles sunt, tanquàm sanguine  
 conscriptæ: quibus non constituta  
 Respublica: sed duntaxat emen-  
 data.

Pittacus Sapiens, ac Mytilena-  
 rum Princeps, Leges magis, quàm  
 Rempublicam condidit.

Huic ut consuleret, temulento-  
 rum contumeliam duplo majori  
 poenâ afficit.

Plu-

Plures enim, sæpiusq; homines, licet magis non peccent, per temulentiam contumeliosi sunt.

Dixeris fortè, non quia minùs peccant ebrii, sed quia sui non sunt cum peccant, veniâ dignos esse.

Contra Legislator, pœnam, quàm veniam usurpare maluit; ut maiorem utilitatis publicæ, quàm æquitatis rationem haberet

Agmen Andromedas claudat, Rheginus patriâ, qui Leges Chaldicensibus in Thraciâ tulit.

Leges de cædibus, ut volunt, deq; hæreditatibus, quæ ad filias, parentibus orbas, devolvuntur.

Sed quid? ut ingeniorum quoq; fatum est, Perisse puto, quæ hujus exstare Scriptoris volunt: peritura tandem, quæ multorum exstant.

—(o)—



ERICI

ERYCI PUTEANI  
BAMELRODI  
CIVILIS DOCTRINÆ  
LINEÆ,

QVIBUS  
ARISTOTELIS  
POLITICORUM

LIBER TERTIUS.

*Ad Perpetuos reductus APHO-  
RISMOS, representatur.*

---

ARGUMENTUM.

**R**EMPUBLICAM Civitas  
habet, Civitatem Civis, sed  
Magistratus & imperii ca-  
pax. Advena, pueri, senes,  
cives non sunt: ut nec Civitatem mœnia,  
sed forma Reipublicæ facit. Viri boni,  
&

& Civis virtus, imperantis, & obse-  
 quentis. Forma autem Rerum publica-  
 rum vel recta, vel prava. Recta: Mo-  
 narchia, sive Regnum, Aristocratia,  
 sive Optimatum status, Democratia,  
 sive populi. Prava, & his opposita: Ty-  
 rannis, Oligarchia, Democratia. De  
 Magistratu interim Qwestio: Bonis,  
 an Nobilibus; item, Divitibus, an Ple-  
 bi rectius committatur. Summa deniq;  
 argumenti, Monarchia, & Aristotra-  
 tia. Illam optimam & antiquissimam  
 esse, humano generi imprimis utilem,  
 & quasi à Naturâ.

## CAPUT I.

Civitatis, & Civis ratio.

**C**IVITAS Rempublicam, tan-  
 quàm corpus animum conti-  
 net: Respublica Civitatem, tan-  
 quàm animus corpus. Altera sine  
 altera nec tradi potest, nec intelli-  
 gi.

Etiā



Etiam hodie dubitari solet, Civitas egerit, an non Civitas, quod vel pauci in Oligarchiâ, vel unus in Tyrannide.

Viri sanè Politici, & Rempubli-  
cam tractantis officium omne in  
Civitate versatur.

Est autem Civitas MULTITU-  
DO CIVIUM: Respublica, MUL-  
TITUDINIS ORDO ATQUE  
DESCRIPTIO.

Civitatem intelliget, qui Civem;  
ut totum, qui partes: partes enim  
Civitatis Cives sunt.

Sed Civis appellatio varia, cen-  
sûs, loci, juris, judiciorum ratione.

In Democratiâ Civis est, qui li-  
ber est: in Oligarchiâ, etiam for-  
tunæ spectari solent.

Adscripti impropiè quoq; Cives  
sunt: non enim patriâ, sed Privi-  
legio; non nati, sed facti.

H

Ha-

Habitare etiam satis non est, Quippe & inquilini, & servi habitant; Cives tamen non sunt.

Non etiam in jus vocare, aut vocari satis: nam & non Civibus tribunal patet, tanquàm Cives sunt, commerciorum quodam fœdere, pacto, symbolo.

Aqua interim prærogativa inquilini remoti, feminarum instar, Patronum soliti, si jus suum persequantur, dare.

Pueri quoque & senes Cives quodammodò non sunt, quamvis sint: illi, quia necdum maturi; hi, quia emeriti & effœti.

Quid exules denique? quid ignominia notati? Tanquàm non vivunt, in eorum numero, qui nullo sunt, nisi quod fuerunt.

Illi sine Patria, ne inter Cives sint: hi sine fama, tanquàm Patria

**Patriâ etiam inter Cives careant.**

Solo igitur imperio & Magistratu Civis; Civis est; pars Reipublicæ, si functionis in Republica particeps.

Sed Magistratus, vel tempore Circumscriptus est, vel perpetuus. Circumscriptus nonnisi semel singulis, vel ex intervallo capeffendus,

Perpetuus partim penes Judices, partim penes Consultores.

Ac licet qui judicant consultantq; sine imperio sint, & imperium penes Magistratum; quia tamen potestate publicâ præditi, non possunt non tanquàm in Magistratu censerì.

Sed ut non una Reipublicæ formazita non pari modo Civis appellatur: & ut non omnis recta & primazita unus omnibus idem non est,

In Democratia Civis est, qui

fortassis in Tyrānnide, & Oligarchia non est: Civis tamen; sed aliā atq; aliā ratione.

Civis igitur hīc propriè Democraticus est: alibi necessariò non est, quamvis esse possit.

Imò Civis hīc non judiciorum tantum, sed & concionum, consiliorumq; particeps est.

In nonnullis verò Rebus publicis, neq; populus deliberat, neq; conciones in usu.

Alibi & judiciorum ratio diversa; ut Lacedæmone, & Carthagine.

Lacedæmone rerum contractarum causæ penes Ephoros; sed non omnium penes omnes: Capitalium penes Senes: aliarum penes alios.

Carthagine omnes penes aliquem omninò Magistratum, qui iudicandi, & deliberandi potestatem habet.

Alibi

Alibi quidem judicia & consilia certorum duntaxat hominum sunt : in Democratiâ, quæ maximè Reipublicæ nomen meretur, omnium sed ordine, & tempore, & de rebus omnibus.

COETUS igitur CIVIUM CIVITAS est. Civium, jure suo judicantium, deliberantiumq; : cœtus, rerum copiâ ad usus necessarios instructus.

Nonnulli tamen populariter, Civem non imperio, sed origine definiunt, utroq; parente Cive natum; imò Civibus avis, proavis, abavis, atavis, tritavis.

Populariter, inquam, & perpetuam: de omnibus enim quæri poterit, quod de uno; de primo, quod de ultimo.

Primus aliquis, & in Civitatem receptus, quia è Cive natus non est,

est, ne Civis quidem est: ergo nec secundus, quia ex non Cive? nec tertius, nec ullus.

Quid Gorgias Leontinus? ut joco rem absolveret, Larissæos, tanquam mortaria esse, & fieri; vasa ab artificibus, tanquam parentibus; Cives à Larissæis; tanquam artificibus.

Ad rem: Si Civis tantum, qui nascitur è Cive; Conditores urbium & Auctores, Cives non sunt, cum maximè sint, & omnes fecerint.

Major de peregrinis, servis, inquilinis difficultas est, in Civitatem, mutatâ Reipublicæ formâ, adscriptis.

Athenis siquidem Clisthenes, exactis Pisistrati filiis, Civitatē Civibus exhaustam, servitiis implevit.

Gemina hinc quæstio oritur, non quidem, an veri hi Cives sint; facti enim sunt: sed an jure facti?

De-

Deinde, si non jure, an pro veris habendi? eadem namq; falsi & injusti ratio est.

Sanè, ut qui injustè imperat, imperat tamen: ita qui non jure Civis factus, Civis tamen est.

Jus enim Civitatis imperio definitur: & imperii Civis capax, quia Civis est, judicare, ac deliberare potis.

Sed quid jure, aut injuriâ fiat à Civitate, & à non Civitate, ex forma Reipublicæ disceptatur.

Non Civitas, vel Tyrannis, vel Oligarchia videri possit: sed ex utraq; formari Civitas potest, deflectente ad plures unius, vel paucorum imperio.

An igitur quæ unus ille, vel pauci egerunt, vigorem apud plures obtinent? dubites.

Unus enim, vel pauci suâ maxime causa

caussâ; plures publicâ agunt: hi jure, illi & iste injuriâ: hi quia Civitatem habent, illi & iste tantumquam non habeant.

Quid tamen est? ut plures, quando vitio plures, non agunt jure omnia, quamvis & habeant civitatem, & obligent: ita unus vel pauci, quamvis non habeant, habere tamen videntur, quam obligent.

## CAPUT II.

*Quomodo, & quando Civitas eadem,  
& non eadem.*

**R**ERUM omnium mutatio est; etiam publicarum & imperii, quo Civitas continetur.

Hæc cum alia est, eadem vulgò videri potest; cum eadem, alia: potest loco, populo, formâ.

Locum, & populum considerare facile est, formam, plus negotii habet, & sapientis munus est.

Sepa-



Separari à loco populus potest, urbs à Civitate. Urbem enim locus facit, populus Civitatem.

Una igitur mœnia unam Civitatem non faciunt; unis enim includi Peloponnesus qveat, quæ una nunquam Civitas fit.

De Babylone quid dicemus? Aliquid Peloponnesi habet. Quid? gentem potius, quàm Civitatem videri

Aliquando capta, etiam tertio quàm capta esset die, aliquâ alibi parte adesse hostem nescivit.

Sed de modo ac magnitudine Civitatis, item una, an plures nationes unam faciant, Politica quæstio est, suo etiam loco tractanda.

Et unam ponamus nationem, unum populum esse: an alii, qui paullatim nascuntur homines, aliam quoque Civitatem facient?

Sane, fluvii, & fontes, aliâ & aliâ

H 5 fluunt

fluunt aquâ , iidem tamen sunt.

Eosdem an hâc imagine homines dixeris , non eandem Civitatem? imò eandem Civitatem , non eosdem homines.

Etenim Civitas societas est, hâc hominum ; mutetur forma societatis , alia Civitas erit : maneat forma , mutantur homines , non erit.

Scenam examina : Soccus & Cothurnus chorum mutant, hęc forma est : Comicus Cothurnum induat , Tragicus Soccum ; alia forma erit.

Et Musicam examina : alia Dorica , alia Phrygia est : quia alia modulorum , eisdem licet vocibus forma.

Rempubicam pariter : alia forma aliam Civitatem , & aliam quoque appellationem Reipublicæ faciet : non quia alii homines sunt , sed quia alia forma.

Maneat forma, mutantur homines; eadem Civitas erit, eadem appellatio.

Sed an Civitas, mutata forma, pactis antea initis alligetur, alia quaestio est.

## CAPUT III.

*An eadem Civis Boni & Viri Virtus.*

**D**E Cive satis: nec satis, nisi & Virtus ejus explicetur: an eadem illa Viri, & Civis: & an uterq; eadem bonus sit.

E Cive Virum intelligas, è Bono Bonum: aliter, non aliter, Civis & Vir Boni erunt.

Ut plures in navi nautæ: ita in Republica Cives sunt: navis enim imaginem Respublica habet.

Omnes nautæ, sed alio alius munere: hic gubernator, ille proraeta, iste remex.

Disse-

Differunt inter se singuli, & in singulis: unum tamen omnium opus, unus finis, felix navigatio.

Differunt & Cives in Republica: qui cum alia alii, hoc tamen agunt unum omnes, ut felix societas sit, quam Rempublicam nominamus.

Virtus igitur in Cive necessaria est, & vel maximè ad felicem Reipublicæ statum facit.

Sed cum una non sit Reipublicæ forma; non una quoque simpliciterque perfecta Civis Boni virtus erit.

Unam autem perfectamque, & ex uno omnium nexu, Viri Boni Virtutem esse, manifestum est, nec aliter dici Bonum.

Imò Bonum Civem non semper Bonum Virum esse, nec eadem cum Viro Bono virtute instructum.

Non in omni quoque Republica civis Boni eadem virtus est, in omni, Viri est. In

In optimâ quidem, quæ Optima-  
tum est, Boni omnes Cives sunt ;  
certè esse debent : non Viri tamen  
omnes Boni. Suum omnes offici-  
um faciunt ; sed ut Boni Cives, non  
ut Boni Viri.

Boni autem Civis virtus in omni-  
bus Civibus necessaria est : quæ sic  
quidem optimam Civitatem facit :  
in Viris non est, nisi omnes dica-  
mus esse Bonos.

Insuper, Viri Boni inter se ubiq;  
similes sunt ; quia eandem ubiq;  
virtutem colunt : Cives dissimiles ;  
quia alio alioq; funguntur mune-  
re, quo Boni, imò quo Cives sunt.

Ipsa Civitas hâc dissimilitudine  
ac varietate constituta est : una est,  
sed partes suas habet.

Est tanquàm animal, quod ani-  
mo constat & corpore ; tanquàm ani-  
mus, qui ratione & cupiditate ; tan-  
quàm

quàm domus, quæ viro & muliete;  
tanquàm res familiaris, quæ domi-  
no & servo.

Si & à Choro Imago placet, alia  
Coryphæi, alia Parastatæ virtus  
est: alia Civis eminentis in Repu-  
blicâ; alia privati.

Aliquis tamen in Civitate Civis  
erit bonus, quem & Virum esse Bo-  
num dixeris: eâdem virtute Civem,  
& Virum: neq; tamen eandem idè  
utriusq; virtutem esse.

Civis quidem duplex: alter in  
Magistratu, & imperat; alter extra  
Magistratum, & paret: iste publi-  
cus est, hic privatus.

Qui in Magistratu, Bonus &  
Prudens sit necesse est, non potest  
autem bonus esse, nisi prudens sit.

Sed nónne ad omnes omnino  
Cives spectat, Viros esse Bonos?

Virtus, Bonorum est: hæc autem  
qui-

quibusdam velut gradibus distincta; alia, perfectiorq; in Magistratu ac Principe, alia in plebe.

Hinc sanè aliter Regum liberi, aliter Civium institui solent: & illi quidem in re Equestri, ac Militari;

Non frustrà Euripedes:

*Speciosa tolle, prome quæ sunt imperi.*

Quasi qui regunt, arte quâdam indigeant, ut benè regant; & peculiari potestas disciplinâ formetur, ut potestas sit.

Sed quamvis Magistratum Bonum Boni Viri virtute censeas; non omnis tamen Civis Vir Bonus est; sed esse aliquis poterit.

Prorsùs, & qui imperat, & qui paret, Civis est; sed alia imperantis virtus, alia Civis.

Ita Iason ille Thessalus vitam suam privatam vocare *Esuritionem* solitus est: imperandi scilicet avidus

duſ, parendi inſuetuſ, imò imperitus.

Sed proſectò pulchrum, & imperare poſſe, & parère; atq; adeò eadem utrobiquè videtur virtus eſſe, eadem Boni Civis & Viri.

Videtur; ſed ſi virtus Boni Viri in imperando poſita eſt, Boni Civis in imperando, & parendo; non eadem utriuſq; virtus erit, non eadem laude digna.

Rurſùs, Boni Viri virtus, ſi rectè calculum ponimus, non imperandi tantum virtus eſt, ſed & parendi; imò ſi rectè, non tam parendi, quàm imperandi.

At verò imperium duplex eſt, Herile, & Civile: illud in ſervos hoc in liberos & genere pares.

Herile circa reſ domeſticas, & ad vitæ uſum neceſſarias; quo qui prædituſ, imperabit quæ faciendæ ſunt,



sunt, non faciet quæ imperanda :  
satis eruditus, si imperare sciat : ni-  
miùm, si facere.

Hæc est, herum esse, & ministe-  
ria uti : vilem se facit, si minister  
fiat, & servitia subeat.

Diversa autem servorum gene-  
ra, & sic opera sunt.

Sunt Chernetæ, qui, ut nomen  
indicat, manibus victum quærun-  
t : sunt artifices omnes, qui illibera-  
les, ac sordidi.

Ex his autem nemo alibi olim,  
nisi penitus plebeiâ factione cor-  
ruptum esset imperium, Reipubli-  
cæ compos erat.

Quid igitur ? Ad operas artesque  
sordidas, an Vir Bonus, Civisque  
Bonus manum extendet ? Si animi  
duntaxat causâ, sordidæ esse desi-  
nent : si lucri, sordidus ipse erit.

Agat hoc discrimine herus quæ  
ser-

servi sunt, sibi servus erit, manetq;  
herus: non enim eo modo agit;  
quo servus.

Civile imperium, herili nobi-  
llus, & parendo addiscitur.

Miles Centurionis sui, & Tribu-  
ni, & Ducis iussa jugi labore exse-  
qui studeat; bonus ipse Centurio,  
Tribunus, Dux aliquando erit:  
gnavo obsequio ad gloriosum im-  
perium veniet.

Prorsùs difficile est, ut qui nun-  
quam paruerit, rectè imperiouta-  
tur.

Quamvis autem alia imperii,  
alia obsequii virtus sit; tamen &  
imperare posse, & obsequi, Boni  
Civis est, imò Boni Viri.

Alia omninò virtus, & perfe-  
ctior in eo qui imperat, alia in eo  
qui paret, & imperfectior.

Annon Justitia prorsùs alia? alio  
enim

enim modo & gradu qui imperat  
justus est; alio, qui paret.

Annon Temperantia? omnino:  
quemadmodum alia viri, alia mu-  
lieris.

Eandem Fortitudo legem habet;  
quippe vir fortis, si fortis, ut femi-  
na, non fortis, sed timidus erit.

Eandem Modestia: hæc enim si  
ad linguam referatur, citius vi-  
rum, quam mulierem laudes.

Moderationem viri mulier usur-  
pet, garrula tamen erit.

In familiâ quoque alia viri, alia  
mulieris cura est: illius acquirere,  
quæ necessaria sunt; hujus conser-  
vare, quæ acquisita.

Ac Civem redeamus: Unâ & so-  
lâ Prudentiâ qui imperat, Bonus  
est; Civis autem, ut benè imperet:  
Virtutes reliquæ tam illi qui paret,  
quam qui imperat, communes sunt.

Qui

Qui igitur paret, non quia Prudens est, paret; sed quia bonam de imperante opinionem habet.

Etenim qui paret, tanquam tibi-  
arum opifex est; qui imperat,  
ipse quodammodò tibicen.

Ille conficiendi obsequio suum  
canenti ingenium accommodat,  
quod est parère: hic inflandi arte  
modum fabricanti præscribit,  
quod est imperare.

Satis ista, ut scias, utrùm eadem  
Boni Viri ac Civis, an diversa vir-  
tus sit; imò quomodò eadem, ac  
diversa.

Sed an & opifices, operarii, mer-  
cenarii, qui nullius consortes im-  
perii sunt, in numero Civium ha-  
bendi?

Si enim habendi, quomodò  
& imperare posse, & parère,  
propria Civis virtus erit? si non,  
quo

quo loco & nomine futuri sunt?

An quia peregrini, aut inquilini non sunt, Cives sunt?

Servi ac liberti, neq; peregrini, neq; inquilini sunt; Cives tamen non sunt.

Iterum, Opifices, operarii, mercenarii, in Civitate utiles ac necessarii sunt, Cives ergò sunt.

Sed non omnes, sine quibus constare Civitas nequit, Cives sunt.

Sine Pueris Civitas non est; non tamen Pueri, eâ propriè ratione quæ Viri, Cives sunt.

Cives, sed imperfecti; Cives, quia Viri aliquando futuri, imò quia sunt.

Olim quinetiam opifices servis ubiq; aut peregrinis annumerati: sed & alibi hodiè.

Fieri enim non potest, ut in Civitate optimè constituta idem sit  
opifex

opifex & Civis: idem enim non præstat, quod Civis.

Si tamen esse velis, virtus illa Civis, quæ parendi pariter, & imperandi conditione continetur, non liberis tandem hominibus; sed sordidis, ac illiberalibus tribuetur.

Et hi quidem, si uni impendunt operam, servi; si unicuique, opifices, & operarii appellantur.

An distinctius? Quemadmodum variæ Reipublicæ species sunt, ita & Civium; sed illorum maximè, qui non imperant, sed parent; dubium, an Cives sint.

Videas igitur, in aliquâ Republicâ opifices Cives esse, in aliquâ non.

Non esse in Aristocratiâ, quæ honores publicos ex virtute, & dignitate confert, Opifices enim, quia lucro dediti, studium virtutis negligunt.

In

In Oligarchiâ verò mercenarios non esse Cives, esse opifices. Illi enim censu, qui in Magistratu spectatur, destituti semper sunt: hi non semper: arte enim, & opere ingentes interdum opes corradunt.

Thebis quoq; lege olim cautum fuit, ne quis ullo dignus Magistratu esset, nisi totum ab arte & mercaturâ decennium abstinuisset.

In nonnullis contrâ Rebus publicis etiam peregrini jure adsciscuntur. Alibi, qui solâ matre Cive nati; alibi & nothi, spuriiq;.

Civium penuria hanc legis indulgentiam induxit: rursusq; , crescente numero, abrogavit.

Rejici enim paullatim incipiunt, qui è servo, vel servâ, deinde qui è matre tantum Cive geniti: donec uterq; tandem parens Cives faciat, uterq; Civis.

Plu-

Plures sic quidem ac diverſi Cives ſunt; ille verus, qui honorum in Republicâ, & Magiſtratum capax eſt.

Unde apud Homerum Achilles conquiritur, ſe; quia neglectum ab Agamemnone, pro Græco quodammodò non haberi.

Non poteſt enim, qui à civili honore arcetur, alius eſſe, quàm inquilinus, & tanquàm non Civis.

Sed ubi, qui veri cives non ſunt; inter veros comorantur, tanquàm ſint; arcano falli Reipublicæ ſolent, ut videantur, cùm non ſint; deſinant autem ad honores adſpirare.

Ex his igitur quæ dicta ſunt, ſatis jam apparet, An idem & eadem virtute, qui Vir Bonus eſt, Civis quoque Bonus cenſeatur.

Idem, ſed in quibusdam Rebus publicis, in quibusdam diverſus; idē, non tamen quicumque So-



Solus ille, qui Civilis est, & penes quem, aut solum, aut cum aliis administrandæ Reipublicæ potestas est.

## CAPUT IV.

*Origo Rerumpublicarum, & diversitas.*

**A** Civitate & Cive, ad Rempublicam ordo sermonis ducit, à corpore ad animum.

Una hæc sit, an plures ejus formæ, quæritur: si plures, quot, & quænam singulæ.

Respublica CIVITATIS ORDO EST, cum in aliis Magistratibus, tum in eo maximè, penes quem maxima potestas est.

Maxima verò potestas, maximo Civitatis regendæ jure continetur: hoc jus, hæc potestas Respublica est.

In Democratia penes populum,

in Oligarchiâ, penes paucos, in Monarchiâ penes unum: quæ diver-  
sæ formæ sunt, omnes Respublicæ.

Sed ad lucem faciet, partim cau-  
sam, finemq; Civitatis, partim im-  
perii inter homines discrimen ex-  
hibere.

Homo quidem, ut libro primo  
dictum, animal naturâ Civile est,  
quasi ad vitæ societatem factus.

Hanc etiam, qui nullius ad vitam  
tolerandam subsidio indigus, ap-  
petit; non suus, quamdiu solus est.

Sanè & natura, & utilitas, & ipsa  
vita ad vitæ cōmunionem ducunt.

Natura, quæ manifesta est: uti-  
litas, quam nemo à se totam, alius  
ab alio capit: vita, quam omnes  
appetunt, solâ autem societate pu-  
tant conservari.

Videtur autem bonum aliquod  
in vita esse, vel ex eo, quòd gra-  
tam

tam omnibus natura eam fecit.

Sanè Civilem multi societatem tuentur, ut vivant; nisi vivendo calamitosam reddant ipsam vitam.

Multi etiam infeliciter vivere malunt, quàm non vivere, & infra mortem fortunam collocant.

Sed imperii quoque discrimen est: neque obscurum, quia antea explicatum: Herile, & Patrium, utilitatis ratione distinctum.

Herile domini est in servum; ac tametsi eadem est utilitas heri & servi, qui uterque naturâ est; tamen suâ herus causâ servo imperat, non servi; illiusque comoda suis metitur.

Non potest enim dominus esse, nisi servi sit Dominus; peritque imperium, nisi sit cui imperes.

Imperium verò patrium, quod & uxorium est, liberos, uxorem, omnemque domum complectitur. Hoc

domesticum appellamus; utile patri quia liberis; marito, quia uxori & familiæ.

Pater igitur liberorum, maritus uxoris causâ imperat, deinceps suâ: pater autem est, quia maritus.

Sic Medicus, ut alios curet, Medicus est; seipsum quoque ex occasione, & si morbo urgeatur

Eodem modo & palæstræ Rector, & navis gubernator, aliorum maximè in munere suo rationem habent, tum verò & sui.

Qui Palæstram regit, pueros exercet; sed interdum & se, aliorum vires, sed & suas confirmans: qui navem gubernat, alios vehit; sed & se, incolumitatis particeps, si portum, mari feliciter superato, occupabit.

Sanè potest ille, qui regit unus esse ex iis qui exercentur, quamvis  
regat,

regat: sed qui gubernat, unus semper nautarum est, quamvis gubernet.

Omniñò pater familiam, tanquàm Palæstram, aut navem habet; liberos exercet, ut boni sint; curat, ut salvi; ad se interim solatium & oblectationem trahit.

Civile igitur imperium, ut sit optimum, Patrio simillimum sit, necessum est, & ut publicâ magis quàm privatâ utilitate æstimetur.

Olim quidem hæc ratio erat, cum æqualitas, & sic æquitas in Republicâ servaretur.

Omnes vicissim ad imperium, sed sine lucro veniebant, alii ut regent, alii ut regerentur, limitato velut spatio; penes alios cura, penes alios securitas esset.

Iam verò quæstus simplicissimum turbavit naturæ ordinem: & quia  
in

in publico privatum quæritur, ex avaritiâ ambitio nata est.

Præesse omnes cupiunt, quasi ægri, nisi præ sint; cum reverà augeant morbum, quando medelam quærunt.

Hinc manifestum est, Rempubli- cam bono vel malo imperio bonam vel malam fieri: in bona bonum spectari publicum, in mala negligi: bonam quoque simpliciter justam esse; malam in justam.

Mala autem & injusta est, quia Herilis, & tanquàm servorum: Civilis enim liberorum duntaxat societas est.

## CAPUT V.

*Rerumpublicarum divisio in Rectas  
& Vitiosas.*

**P**LURES Reipublicæ formæ sunt, quarum aliæ Rectæ, aliæ Vitiosæ: è Rectis autem Vitiosæ cognoscuntur.

Pro

Pro summo hîc imperio Respublica sumitur, & imperium pro Republica.

Summum enim summa Civitatis potestas est: penes unum, paucos, plures.

Unus, pauci, plures, si publicæ utilitatis causâ imperium exercent, Respublica bona est, & bene se habet, sin privatæ, vitiosa, & tanquàm ægrotet.

Quomodò bona? ut omnes, quos Civitas complectitur, Cives sint: non sunt autem, nisi publici boni participes sint: idè enim publicum, & imperium appellatur.

Unius igitur imperium, in quo publici habetur ratio, regnum est: paucorum Aristocratia, in qua optimates: sic dicti, vel quia Optimi sunt, vel quia quod optimum factu in Republica spectant, at pluri-

um Respublica, communi duntaxat nomine.

Imperium hoc plurium, quia rarum omninò, sic nominari, & quodammodò non nominari, satis erat.

Ut enim imperium sit bonum, virtute opus: sed unum aliquem; vel etiam paucos virtute excellere, facile est; multos, difficile.

Difficile, inquam, nisi virtutem Militarem intelligas, quæ alibi etiam multorum est, & Militarem Rempublicam facit.

Rectæ quidem hæ formæ sunt, sed virtutis defectu in Vitiosas deflectunt: Regnum in Tyrannidem, Aristocratia in Oligarchiam, Respublica in Democratiam, quam populus constituit.

Tyrannis imperium Unius est, sed ad suam omnia utilitatem trahentis; Oligarchia Paucorum, ad  
uti-



utilitatem divitum; Democratia Populī, ad utilitatem pauperum, publicā ubique neglecta.

Sed uberiore face opus, ubi post lucem caligo est, & diem nebulæ impediunt: uberiore sermone, ut quæ, & quales hæ sint formæ intelligatur.

Philosophi sanè, non usu aut actione tantum, sed scientiā & ratione rem publicam metientis munus est, & rem tradere, & veritatem insuper rei in ipsis causis contemplari.

Est igitur Tyrannis VNIVS IN REPVBLICA IMPERIVM, SED HERILE; ut domini in domo. Oligarchia verò PAVCORVM, SED DIVITVM: Democratia, PLVRIVM, SED PAVPERVM.

De divitiis & paupertate controversia hic oritur. Si enim plures illi divites sunt, an Democratia erit.

erit ? Si & pauci illi pauperes , an Aristocratia?

Sed hâc sanè ratione, neque Democratia erit , ubi multitudo est Domina ; neque Aristocratia , ubi paucitas.

Si paucitatem tamen cum divitiis, cum paupertate multitudinem conjungi velis, & Oligarchiam esse, in quâ divites, sed pauci imperant ; Democratiam , in quâ pauperes , sed plures ; nova difficultas orietur.

Ad quam enim formam plurium, sed divitum imperium ; ad quam item paucorum, sed pauperum referatur?

Nempe plures aut pauciores imperare , ad formam sive Democratiae , sive Oligarchiae constituendam, non necessarium , sed fortuitum videtur.

Pauci

Pauci profectò ubique divites, plures verò pauperes sunt ; quamvis hoc agant omnes, ut divites sint nemo ut pauper.

Quid igitur? Neque paucitas, neque multitudo veræ, ac perpetuæ Rerum publicarum notæ sunt ; sed divitiæ, aut paupertas. Illæ enim, quia paucorum, Oligarchiam constituent ; hæc, quia plurium, Democratiam.

Prorsus, ubi divites imperium cæpessunt, sive plures, sive pauciores, Oligarchia est ; ubi pauperes, quocumque etiam numero, Democratia.

Quia verò divites in Republicâ pauciores sunt, plures pauperes ; nomina hæc Oligarchiæ, & Democratiæ vulgò obtinere.

Sint etiam pauci in Democratiâ divites ; plures nihilominus liberi erunt

erunt; contendunt verò de imperio pauci , quia divites sunt; plures , quia liberi.

Si divites igitur superant, qui pauci sunt, Oligarchiam & faciunt & nominant: si liberi, qui plures, Democratiam.

## CAPUT VI.

*De Democratiâ, & Oligarchiâ.*

**S**ED Oligarchiæ, & Democratiæ Scerti quidam limites ac fines sunt: certum etiam jus, quo nituntur, qui pro alterutrâ contendunt.

Jus illud plenum utrobique aut perfectum non est; sed tanquam perfectum allegatur.

Qui Democratiam asserunt, jus definiunt æqualitate; qui Oligarchiam, inæqualitate.

Æqualitas jus est, non omnibus, sed æqualibus; ut inæqualitas inæqualibus.

Malè

Malè ergò hîc utriq; statuunt;  
quia de se ipsi: in rebus enim quisq;  
suis cœcus est, quia suarum amans.

Jus quidem partim in rebus spectatur, partim in personis: in jure autem rerum cùm statuunt, boni sunt judices: in personarum, mali.

Prætereà, cum adferant utriq; quod ex parte justum est, ita adferunt, tanqvàm omninò justum.

Pauci quippe, quia divitiis inæquales, sive superiores sunt, simpliciter esse se inæquales: multi, quia libertate æquales, simpliciter quoq; esse se æquales arbitrantur

Sic & pauci, & multi à vero aberrant fine & scopo; quia umbram duntaxat juris, non ipsum sequuntur.

Et pauci quidem, si opum causa in cœtum & Civitatem homines ostendant convenisse, Oligarchiam.

am afferent: ac tantum cuiq; juris erit, quantum pecuniæ.

Hæc nimirum in commerciis quoq; societatis ratio est: inæquale lucrum, inæquales ad lucrum collati nummi reddunt.

Iniquum sit, unam si contuleris minam, socius plures; parem si ve è sorte, si ve è fœnore partem sumere. Communis hic Mercurius, & æqualis est.

Sed profectò aliter se Respublica habet: instituta, non tantum, ut vivant homines; sed ut benè beatèq;. Ut vivant verò, pecuniâ; ut benè, majori subsidio opus.

Etenim Cives si sint omnes, qui vivunt, & ideò quia vivunt; servi & pecudes Cives quoq; erunt.

Non servi, quia felicitatis, quæ potissimam hic spectatur, exsortes sunt non pecudes, quia rationis.

Non

Non ergò ut vivant : sed nec bel-  
licæ societatis causâ, ut extra in-  
juriam vivant; nec commerciorum,  
quæ mutuum usum habent.

Eo enim modo Tyrreni, & Car-  
thaginieneses, & quicumq; inter se  
negotiantur, Civitatis unius Cives  
sint.

Pacta quidem sua & fœdera de  
rebus importandis, deq; injuriis  
mutuis comuni ope, atq; adeò bel-  
lo, si opus, depellendis, usurpant.

Sed non id satis: Magistratus  
enim non eosdem, sed diversos ha-  
bent; alios Tyrreni, alios Car-  
thaginieneses.

Deinde, neq; Tyrreni curant,  
quales aut moribus, aut vitâ Car-  
thaginieneses sint: neq; Carthagi-  
nieneses, quales Tyrreni: justī an  
injusti, probi an improbi.

Unum utriq; spectant; ut extra  
inju-

injuriā mutuā commercia, hominum causā; & homines, commerciorum habeantur.

At in Civitate, non qualem mente fingimus, sed usu constituimus, virtutis ac vitii habenda ratio; ut Boni sint, qui Cives sunt; qui mali, ut boni fiant, proposito hisce præmio, illis suppicio.

Tolle hanc curā, Civitas non nisi bellica quædam societas erit, fœdere una, loco tantum diversa; Cives enim ejusdem loci Cives sunt: focii, diversorum.

Leges quoque societatis non nisi pacta quædam sunt, quibus in officio fœderati utrimque continentur: ut eleganter Lycophron vetus Sophista Legem *mutui juris sponsorem* appellavit.

Coalescunt igitur fœdere, non ut Boni sint, sed ut focii; nec  
vir-



virtutis causâ , sed utilitatis.

Ne si loco quidem ac muro duæ conjungantur Civitates (ut Megara & Corinthus) unam facient. Megara enim Megara erit , & Corinthus Corinthus.

Quod muri non possunt , ne matrimonia quidem efficient ; quæ præcipua tamen Civitatum vincula sunt , & vim à naturâ trahunt.

Sed ponamus esse homines sede vicinos , communione socios , lege à mutuâ injuriâ alienos , An Civitatem sede , comunionem , lege facient.

Alius faber sit , alius agricola , alius futor , alius aliam artem exerceat. Decem sint millia , ut sic dicam , solo commercio , aut auxilio Civium ; Civitas tamen non erit.

Quid ita ? solo hæc vicinia commercio aut auxilio mutuo vicinia erit ; & sic quodammodò non erit.

Vivent nimirum juncti, tanquàm disjuncti: in suâ quisq; domo, tanquàm in suâ & aliâ Civitate: communi interim opẽ inter se tuti, quasi belli fœdere.

Ut hæc sunt, videmus neq; loco neq; communione loci Civitatem constitui: cùm satis non sit, aut tutos adversus injurias esse, qui simul degunt, aut mutuis etiam commerciiis florere.

Non potest quidem sine istis Civitas esse: sed neq; quando ista adsunt, aut qvia adsunt, Civitas est.

Finis enim Civitatis; ut benè inter se Cives feliciterq; vivant; & domibus familiisq; inter se nexi, quisq; sibi sufficiat.

Quomodo? ut eundem incolant locum, & nuptiis atq; affinitatibus misceantur.

Ideò & sodalitates, & sacrificia,

&

& communia officia sunt: quæ omnia ad benevolentiam mutuam faciunt, & tanquàm amicitiae opera usurpantur.

Finis igitur Civitatis est, benè honestèq; vivere: reliqua, Civitatis causâ.

Ad summam, Civitas **FAMILIARUM, & VICORUM SOCIETAS EST, VITAM PERFECTAM, ET ABUNDE INSTRUCTAM SUPPEDITANS.**

Atq; hoc illud est, quod dicimus, *Benè beatèq; vivere, τὸ ἡν εὐδαιμόνως καὶ καλῶς.*

Quare non ut simul, sed ut honestè homines degant, Civilis societas instituta est.

Simul autem multis modis vivitur: honestè, unâ virtute, quæ modos istos omnes comprehendit.

Hæc virtus Civilis est: quâ amplius

plius in Republicâ viri sibi Boni vindicant, quàm qui vel libertate, vel divitiis nituntur.

Aliquem tamen utriq; juris speciem adferunt: hî divitiis suis, illi libertate.

## CAPUT VII.

### *De Imperio Democratico.*

**S**ED in controversiam nihilominus venit, penes quos potissimum Civitatis imperium resideat.

Aut enim penes Populum, aut Divites, aut Bonos, aut Unum qui vel omnium sit optimus, Regis nomine; vel pessimus, Tyranni.

Quodcumq; statueris, difficultatem deprehendas: in imperio vim, in jure injuriam.

Quid enim, si plures isti, qui pauperes sunt, & quia pauperes, bona in vadant Divitum?

Si imperium spectes, iusta invasio

sio videatur: & quomodo tamen non injusta?

Nulla profecto erit injuria, si hæc non est; quæ cum Civitatem corrumpit ac destruit, summa est.

Quid enim? ut qui virtute præditus est, virtute non corrumpitur; ita nec jure Civitas, quæ nisi jure constet, Civitas non est.

Sed si jure fit, quod hinc à populo; jus sane ipsum Civitatem destruet.

Manifestum igitur, non posse, quod injustum est, ullâ imperantis populi lege justum fieri.

Præterea, si justum est, quod plures, quia pauperes, agunt; etiam quod Tyrannus: eodem enim imperio, tanquam jure agit; unus quod plures.

An igitur paucos ac Divites imperare æquum est?

Quid si eodem hi imperio iniqui sint

sint, & bona invadant multitudinis ac rapiant?

Sanè si justè agunt, cùm idem agunt; etiam plures illos pauperesq; justè agere necessum est.

Sed profectò injustè, & sic vitiosè utriq; non minùs enim hîc pauci divitesq;, quàm plures & pauperes, juris ratione destituti sunt.

Fortassis igitur viris Bonis defendendum erit imperium, ut bonum sit.

Hæreo: reliqui enim hâc ratione sine honore Cives sint, sine Magistratu, quem honorem dicimus.

A paucis Bonis, ad Unum Optimum majori etiam vitio veniamus: Unus enim ab honore excludet omnes, & infestus Reipublicę faciet.

Quid si tandem ab homine ad Legem transferatur imperium? homo enim affectibus obnoxius est, Lex non est, Non

Non est fateor, Lex ut homo, sed tamen ab homine. In paucorum imperio favebit paucis adversus multos, in plurium, multis adversus paucos; quæ eadem mala sunt.

Pluribus verò, non paucis Bonisq; imperium deferendum esse, quamvis difficile, non omninò tamen absurdum est.

Plures enim quorum singuli Boni non sunt, si convenient, paucis illis virtute poterunt potiores esse; non ut singuli, sed ut omnes: sapiunt enim ampliùs multi, quàm Unus; plures, quàm pauci.

Talis cœna collatitia, quæ Symbolis constat, atq; adeò Symbola dicitur; lautior, quàm quæ unius sumptu, ac privatim instructa.

Sanè in Republicâ, quod singuli præstare nequeunt, solent universi; hic suam, alius suam virtu-

tem adfert, omnes utiles sunt.

Plures homines, tanquàm unus hic homo; plura membra, tanquàm unum corpus: Mentēs pariter, ac sententiæ plures, ut una recta sit; & quæ recta, una fiat.

Idem in Musicis Poëticisq; compositionibus; de quibus multi melius & omnes, quàm unus aut pauci judicant: de parte enim operis singuli, de toto omnes.

Viri nihilominus per se Boni, si cum singulis è multitudine singuli comparentur, excellentiores sunt: quemadmodum pulchri deformibus; res ingeniosè pictæ, veris.

Amplius hic ars, quàm natura potest: altera in unam conjungit imaginem, quicquid in non uno homine altera exhibet.

Prorsus vir unus, & per se Bonus, instar multorum est: habet solus  
vir-



virtutes, quas singuli, cùm plures sunt: unus, quas omnes, qui populum constituunt.

Imò vir ille Bonus, tanquàm arte pictus est: in se colligit, quicquid in multis à naturâ adumbratur; totus pulchrior omnibus, quamvis in singulis membrum fortassis unum aliquod commendetur.

Sed in controversiam venit, An in omni populo, cùm singuli, quod dictum est, Boni non sint, sint tamen universi?

Non in omni: brutis enim belluisque hæc etiam felicitas contingeret, quæ hominum est: à belluis enim vix homines alibi differunt.

Sed si non in omni, in aliquo, ubi ratio magis, quàm ferocia est.

Aliquid alibi hominis brutum habet; vincitque solertia, quæ bruti est, rationem, quæ hominis.

K

Sed

Sed qui solâ libertate Cives sunt, divitiis, virtutibusq; destituti, quo loco aut imperii gradu in Republicâ erunt?

Etenim si maximo, noxii; quia iniusti & imprudentes: si nullo, pariter timendi; quia hostes futuri.

Cautio igitur hæc erit, & modus; ut ad Consilia duntaxat & Iudicia Civilia, de quibus actum est, admittantur: constituent censeantq; Magistratum, non gerant.

Hinc Solon, aliiq; Legum latores jus suffragii in creandis Magistratibus, iudiciumque repetundarum in rationibus exigendis populo permisere.

Omnes hîc sanè si conjuncti, satis quæ ex usu sunt publico, intelligunt; & melioribus mixti, aliquid etiam momenti adducunt.

Vt enim cibus non purus, à quo  
plus

plus facis est, puro, à quo plus nutrimenti, mixtus, magis mole suâ prodest: ita populus.

Plures etenim, quia numerum paucorum augent, aliquid in Consiliis Iudiciisq; possunt; soli ac singuli, parum aut nihil.

Aliter fortassis alii, & populum, quia imperitum rejiciant; quia non exercitum, sinant populum esse.

Non aliûs, inquiunt, est hominis judicare, Quis peritè, ac prudenter ægrum curet, quàm qui curat.

Hic Medicus est: sed in omni arte ac re Medicum invenias: cùm scire ubique oporteat quæ facias, & facere quæ scias.

Imò Medicus hic instar Civis est: sed rationem artis suæ reddere iis, qui ejusdem sunt artis, utriusq; est.

Etenim, medetur, & qui scientiâ, & qui usu instructus est, & qui

manum duntaxat adhibet, munere velut minister.

Triplici hoc discrimine omnia ferè sunt. Præcipiunt alii, alii sciunt, alii agunt; ut opifices, ut periti, ut Architecti.

Quemadmodum igitur non minùs usu peritis, quàm arte præditis judicium in Republica committi potest; ita & Electio.

Munus enim & opus scientis, est eligere; Geometræ Geometram, Gubernatoris Gubernatorem.

Quam vis etiam in operibus quibusdam & artibus, vel scire aliquid, vel præstare etiam imperiti videantur; minùs tamen quàm docti ac periti, qui in doctis & imperitis sic meritò præferuntur.

Hæc si ita sunt, potestas sive eligendi Magistratum, sive Rationes exigendi, à populo aliena est.

Con-

Concedenda tamen: in populo enim non planè rudi aut servili, quamvis singuli Reipublicæ munis apti non sint; sunt tamen universi. Scient simul omnes, quod fortassis nescient singuli.

Deinde, de rebus quibusdam non auctor tantùm, sed & alii rectè judicant: satis enim est, opus intelligere, quamvis artem ignores.

De domo nōne meliùs sæpè pronuntiabit pater familias, quàm faber? de gubernaculo Gubernator; quàm naupegus? de epulo conviva, quàm coquus?

Absurdum autem & iniquum dixeris, res gravissimas hominibus malis potiùs, quàm bonis committi.

In populo mali plerique: sed iura Suffragiorum, & Iudicia rationum exigendarum populi sunt, quæ non possunt, nisi gravissima haberi.

Sunt

Sunt verò populi, quia Concio est; suffragiorum, & Rationum in Republica domina.

Concio autem homines & minoris censûs, & minoris ætatis admittit: quemadmodum Quæstura, & Militiæ imperium, summæque Magistratus, non nisi viros & divites.

Responsio facilis. Neque enim qui judicat, neque qui consultat, Magistratum gerit; sed Tribunal totum, Consilium, Populus.

Tribunalis autem, Consilii, Populi quisque pars est, à toto distinctus, ut membra à corpore.

Quare non im merito penes populum rerum maximarum cura est: maxime autem, quæ Iudiciis, Consiliisque continentur: & hic Populus est.

Totus hic etiam, quemadmodum

dum virtute , ita & censu antistat singulis , totus paucis, totus iis, qui amplissimos in Republica Magistratus gerunt.

Summa quæstionis ad Leges reddit, quibus, sed justis & recte latis, jure imperium deferas.

Leges autem , quia vel dubiæ, vel imperfecte plerumq. vim suam ac plenitudinem à Magistratu accipient, siue unus sit qui præest, siue plures.

Quia igitur, quæ qualesque juste sint, & recte latæ, satis adhuc examinatum non est, ambiguum pendet quicquid disputatur.

Ad summam , quales sunt Respublicæ , tales etiam Leges sint oportet , aut bonæ, aut malæ: bonarum bonæ, malarum malæ.

*Diversa Reipublicæ bona. Magistratus creandi modus*

**O**MNIVM Artium ac scientiarum finis, Bonum est: Politicę verò inter omnes eminentis, eminens Bonum.

Eminens, quia Ius & Iustitiam continet: Bonū, quia publicè utile.

Ius autem, æquitate, tanquàm æqualitate quādā, censetur.

Quarum verò rerum hæc sit æqualitas; quarum etiam inæqualitas, Quæstio Civilis est.

Neque enim quocunq; excellere bono satis est, ut quis ad Magistratum jure adspiret.

Pulchrum, aut Magnum esse, Bonum est: nemo tamen aut pulchritudine, aut magnitudine regendi sibi prærogativam vindicet.



In tibicinibus quoque non Nobilitas generis, sed præstantia artis spectanda est : Melioresque tibiæ peritiori debentur.

An clarius ? Nobilitas tibiâ præstantior est: nemo tamen, quia Nobilis, nobiliores sibi tibias arroget: nihil enim ad Tibicinem genus.

Quâ ratione manifestum est, non omnia inter se bona ; sed ea tantum quæ ejusdem sunt generis, rectè comparari.

Divitię igitur cum divitiis, forma cum formâ, virtus cum virtute.

Virtus enim cum forma aut divitiis non rectè; quam vis in alio plus formæ aut divitiarum, in alio minus virtutis sit.

In Republica eadem æqualitatis & inæqualitatis ratio, & ad bonum Reipublicæ refertur: quo uno, velut momento, dignitates omnes librantur.

Kv

Frustra

Frustra hîc cum tardo contendat celer , ac frustra palæstræ honorem ad Curiam referas , athletæ ad Civem.

Civitatis ratio in iis consistit, quæ Civitatis sunt: de his contendunt, qui & Cives sunt, & hoc nomen nobilitate ac divitiis merentur.

Nobilitas servos excludit, divitiæ pauperes. Rempublicam enim nec servi constituunt, cum libertate opus sit; nec juvant pauperes, cum tributo ac censu.

Cives igitur ut libertate, & censu Cives sunt; ita Iustitiâ & Virtute Militari indigent, ut liberi ac censu instructi sint, ac Reipublicæ idonei

Quasi dicam, non posse Civitatem sine libertate & censu esse; sine Iustitiâ & Virtute militari non posse benè esse.

Sed

Sed iniquum planè ; ut qui unâ aliquâ re excellunt, in omnibus velint æquales esse, aut qui unâ inferiores, in omnibus inæquales habeantur.

Quare, solâ Nobilitate ad honores niti, aut solis divitiis, abusus & abortus est.

Suo aliquo nituntur jure Divites, freti agris, qui propriè Reipublicæ sunt; & fide in rebus contrahendis, quasi sic quoque magis Cives sint.

Suo Nobiles, freti honore, quo pollent, & virtute, quam sibi genere vindicant: prorsus tanquàm quia benè nati, & quasi Nobilitas virtus generis sit.

Suo etiam Boni, quia virtutem, & sic Iustitiâ adferunt, quæ anima Civitatis, sanitas, & summa est, & omne bonum, omnesq; virtutes continet.

Deni-

Denique, & suo Inferiores, sed numero; cum plures sint, quasi partes Divitibus, Nobilibus, Bonis, quia plures.

Iam verò si & Divites, & Nobiles, & Boni, & Plures in eadem sint Civitate, quæ ratio & prærogativa imperii & Magistratûs?

Manifesta, ac dubia. Manifesta, è rerum publicarum formis, antea distinctis: nam alibi Divitiæ, alibi Nobilitas obtinet, alibi Virtus, alibi Multitudo.

Dubia, si eodem hi quatuor ordines tempore, eodemq; loco concurrunt.

Si Bonos spectes, pauci erunt: sed an pauci Regimini pares? an potius eo esse numero debent, ut Civitati constituendæ sufficiant?

Si Divites Nobilesq; nullo videntur

dentur jure affectare imperium,  
quia Divites Nobilesque sunt.

Item, si Bonus unus virtute præ-  
stet reliquis Bonis, unus hic quoque  
reliquis volet imperare: unius enim  
virtutis imperium est.

Si & Vnus opibus, aut genere,  
unus hic quoque, tanquam virtute  
nitetur.

Denique, si plures sibi imperium  
vindicerent, qui paucis potentiores  
sunt: etiam unus aliquis, aut plu-  
res uno, pauciores tamen cæteris,  
si potentiores sint, vindicabunt.

Sed levia ista atque invalida ad  
imperium obtinendum rationum  
momenta sunt. Sive Divites, sive  
Nobiles ambiant, sive Boni, sive  
Plures.

Nam ad versus Divites, Nobiles,  
& Bonos ipsos justâ interdum con-  
tendant ratione plures, qui & me-  
lio-  
res

liores potentioresq; esse possunt ; non ut singuli, sed ut universi, cùm ut corpus, non ut membra considerantur.

Hæc cùm ita se habeant , Quæstio oritur, An in Legibus ferendis ratio Bonorum potius, an Multitudinis habenda sit: omnes enim nōne Cives sunt ? & nōne Civium causâ Leges?

Quod Iustum hîc, id sequi fas est: Iustum autem, quod cum publicâ Civitatis & Civium utilitate conjunctum.

Est autem Civis communiter, QVINVC IMPERII, NVNC OBSEQVII PARTICEPS, ILLIC PUBLICAM HIC PRIVATAM PERSONAM GERIT.

In singulis autem Rebus publicis, alius atque alius; ut alię Divitię sunt, & publicè aut privatim servantur,

viunt, alia Nobilitas, alia Virtus.

In optimo verò statu, qui & potest & vult cùm parere, tum imperare, prout vitæ ratio, ad virtutis normam exigenda, præscribit.

## CAPUT IX.

*Virtus in eminente Cive expensa.*

*Ostracismus.*

**S**I QVIS verò tam excellenti sit virtute & prudentiâ Civili, ut reliquos unus longè superet, singulari habendus erit loco.

Cùm supra Civem sit, ne Partem quidem Civitatis faciet.

Ratione virtutis, præmia sint par est: sed major virtute, si infra præmium sit, quid nisi injuriâ mul-  
tatur?

Hic talis inter homines velut Deus est: exemptus Legibus, quæ in homines, & in genere potentiaq;  
pares, scribuntur. Imò

Imò hic talis , ipse sibi Lex est : suâ enim sponte quæ facienda sunt facit , & ostendit ad se Legem non pertinere.

Si quis igitur cogat ex legem , aut Civili formulæ subjiciat / Ridiculus sit.

Dignus Leonum responso , quod leporibus , ut Antisthenes fabulatur , æqualitatem exigentibus , datum.

Non dicere , sed ostendere potentiam , pro responso fuit.

Hâc de causâ Ostracismus alibi utilem Reipublicæ populus censuit ; inæqualitati maximè infestus.

Cives enim Civium modum sive divitiis , sive clientelis , sive aliâ civili potentiâ excedentes , ad præfixum tempus è Civitate jubentur excedere.

Ita Herculem Argonautæ , quia præstan-



præstantiorem, à societate itineris arcuerunt.

Hinc neq; Periadri consilium Thrasybulo, Tyrannidem molienti datum, reprehensioni prorsus obnoxium.

Interpellatus ab apparitore misso, cùm eminentes Segetum aristas virgulâ tacitus decuteret, tollendos è medio præstantiores civium, non dixit, sed docuit, & velut ostendit.

Res sanè injusta; sed Tyrannidi utilis, imò & Oligarchiæ & Democratiæ, quæ aliquid Tyrannidis habent.

Huc igitur Ostracismus facit, quia ad æqualitatem. Nempe meliores deminuere, & in exilium propellere, Ostracismus est.

Simile in Vrbes & populos devictos, ut vires quæ timeri possent, acciderentur.

Samii,

Samiï, & Chii, demùm & Lesbii in exemplum veniunt, ab Atheniensibus etjam contra fidem & pacta, attenuati ac depressi.

Sic Medi, Babylonii, aliique à Persarum Rege: ferociores fortè, quia ipsi aliquando imperassent.

Omnes verò hic Respublicæ considerandæ sunt, tam Rectæ, quàm Vitiosæ: hæ, quæ privatum spectant Bonum; illæ, quæ publicum.

Sanè, & in artibus scientiisq; id obtinet; quasi Rerumpublicarum imaginem videas.

Non sinet pictor pedem hominis, quamvis pulcherrimum, justo majorem esse; neque Naupegus puppim navis aut proram, quamvis elegantem; neque Præfectus Chori vocem canentis intentiorem, quamvis periti.

Et quis igitur Monarchis veter,  
quod Civitatibus publicæ securi-  
tatis causâ concessum est?

Ostracismus interim adversus  
eminentiores jure quodam Civili  
niti videtur, utiliterq; usurpari.

Hic tamen si morbus est, hoc si  
remedium; carere morbo præstet,  
quam curari: præstet sic ordinare  
principio civitatem, ne remedio  
opus sit.

Nunc si opus, alio opus: molli-  
ori ac meliori, quam hactenus viti-  
osè ac seditiosè adhiberi solet.

In Rebus publicis Vitiosis utile  
ac justum remedium Ostracismus  
videatur. in Rectis injustum.

In Rectis verò, & optimè con-  
stitutis, si quis unus, non fortunæ  
bonis, sed animi inter omnes emi-  
neat: quid statuendum?

Obnoxium illum imperio alio-

rum

rum, & exulem esse, virtus non patitur.

Idem enim sit, ac si Iovem ipsum, non fato tantum, sed & lege Dî minorum gentium premant, & se inferiorem habeant, aut Parem

Quid igitur? Vni præ omnibus bono ut omnes boni libenter parent, Natura quasi jubet: & Regem jubet in Republicâ. Perpetuum esse, quem dignum sceptro, eximia Virtus facit.

## CAPUT X.

*De Monarchiâ, antiquissimâ Reipublicæ forma.*

**N**VNC de Regno, quæ una è formis Reipublicæ perfectis: dici & explicari digna, quia Vnius est.

Ab Vno verò, an aliâ ratione regenda sit Civitas, ut benè regatur, quæri

quæri solet. Item si ab Vno, an id utile quibusdam, quibusdā inutile.

Ut hinc ordiar: Non unum Regni genus est, nec idem in omnibus imperii modus.

Laconicum primum est, Iustum maximè & legitimum; non enim omnia Regi permissa: nisi foris & belli tempore: summus, quando armatus.

Plena quoq; majestas à Sacrorum curâ: & à rebus divinis aliquid humanis divini accedebat.

Non tam Reges, quàm supremi & perpetui belli Duces erant.

Nullum vitæ necisq; jus, nisi in castris, & antiquo more, quem Homerus notat.

Agamemnonem in concionibus solitum convitia patienter ferre, in præliis acriter & suâ quoq; manu, punire.

Atque

Atque ejusmodi Regnum partim à Natalium pendebat , partim à Suffragiorum jure.

Sequitur Barbaricum, ut summa potestate & imperio: ita Tyrannidis imagine & exemplo.

Legitimum tamen, quia ad hæredes , tanquam patrimonium transmissum.

Facile quoque , quia cum Barbari Græcis , & Asiatici Europæis naturâ suâ in servitutem proniores , Herile imperium facilius ferunt.

Tyrannidem quidem hic agnoscō; sed tutam, & quasi aliquid Regni habeat, non vi paratam, sed jure acceptam.

Iam verò custodia, non Tyrannica sed Regia: Reges enim armis suis ipsi tuentur Cives , Tyrannos peregrini.

Et sicuti Reges volentibus imperant; ita Tyranni invitis: & vel omninò à Civibus, vel contra Civēs custodiam habent.

Est & tertium, Æsymneticum, Græcorum Veterum, Tyrannicum quidem, sed suffragiis constitutum: distinctum à Barbarico, quia ad heredes non transiens.

Barbari quoq; imperium usurpant perpetuum, Æsymnetæ tempore & rerum occasione limitatum.

Ita à Mitylenæis adversus Antimenidem & Alcæum, exulum duces, electus Pittacus: & à Poëta Sapiens virulento carmine perstrictus.

Hoc igitur imperii genus, quā Herile, Tyrannicum erat; quia optivum, & in volentes, Regium.

Quartum denique & ultimum, Heroicum, Heroicis temporibus, partim

partim ex successione, partim in volentes & legitimè acceptum.

Origo beneficium fuit , Sceptum gratia , potestas , salus.

Tanti erat , palantes aliquando sine legib<sup>9</sup> homines congregare , vel agris alere , vel novâ aliquâ arte , vel etiam armis juvare.

Ejusmodi Reges suo ingenio ac virtute Magni erant : Reges , & Militiæ simul , atque Sacrorum summi Præfecti.

Quin & causas cognoscebant alii quidem iurati , alii non. Iurati Sceptro , quod attollere soliti , ut & Reges se , & Iustos testarentur.

Priscis sic quidem temporibus & urbes & populi , domi forisq<sup>ue</sup> in potestate erant Regum , & Reges plus quàm Reges.

Cùm deinde & hi de imperio aliquid remitterent , & illi plurimum



num sibi vindicarent ; summa potestas , solâ Sacrorum curâ stetit ; quasi reliqua.

Sicubi tamen superest , nomen magis quàm Regnum est ; quoniam extra fines Regni bellico imperio res Militaris sustinetur.

## CAPUT XI.

*De pleno Regno, & an ab Vno regi expediat.*

**R**EGNI igitur genera quatuor : Heroicum, Barbaricum, Æsymneticum, Laconicum.

Heroicum, certis limitatum rebus, & in volentes. Rex enim Strategus quoque erat, & Iudex, & Sacrorum Præsul.

Barbaricum, Herile, & tamen legitimum. Nempe quantum pati nolles, generi defertur.

Æsymneticum, Tyrannis; sed ut tollerari

lerari possit , à populo delatum.

Laconicum, nil nisi belli Prætura perpetua , ad heredes quoque se extendens.

Quinctum verò accedit, Vnius in omnes, & patria quâdam, imò Oeconomica potestate.

Vt enim Oeconomia familiæ quoddam Regnum est . ita Regnum , gentis familiæq; unius, & non unius , Oeconomia.

Sed hæc quinque genera ad duo præcipuè reducuntur; ad Oeconomicum, & Laconicum; reliqua enim his duobus im mixta.

Vel enim majori omninò sunt potestate , & Oeconomicum alterum; vel minori , & Laconicum alterum possis appellare.

Duo igitur sunt, quæ in Quæstionem veniunt: Vtrùm expediat Reipublicæ, Vnum esse, vel non esse  
Belli

Belli Ducem, qui imperet : deinde, esse perpetuum, vel non esse ; sive familię, sive virtutis habitũ ratione

Hoc de perpetuo Belli Duce ad naturę, legem magis spectat, quàm Reipublicę : in omni enim Republicã quia bellum est, aut esse potest ; etiam Belli Dux necessarius est.

Difficultas superest : Vtiliusne sit ab Vno, sed Optimo, quem Regem dicimus ; an ab optimis Legibus regi.

Qui Regem præferunt, nihil putant à Legibus, quod singulos spectat decideri : communia enim complectuntur.

In reliquis etiam Artibus sola præcepta, quę instar Legum sunt, sequi, stultum est ; cùm & suam sibi partem locus, tempus, homines postulent.

Ægyptiorum decretum quis non

L ij      cupler

culpet? *Medicus ante diem quartum noxios agro humores ne moveat: si moverit, rem secuturi periculi erit.*

*Ægri imaginem Respublica habet: ipsa ægra, & in majus casura morbi malum, solis si Legibus ac tabulis gubernetur.*

Multa nimirum in singulis consideranda sunt: complecti autem Leges non possunt singula, quæ infinita sunt, nec mederi singulis, quæ quotidie nova sunt, & tanquàm morbi subnascuntur.

Sed in hâc bilance suâ utriq; pondera & sacromata sūt, Legi, & Regi.

Legem censeas sine Rege esse posse, Regem sine Lege non posse.

Regem omnibus præstò esse; vivam, inquam, ac spirantem velut Legem.

Contrà verò, hominem esse, & sic perturbationibus animi obnoxium

xium : Legem verò immotam , & divinæ quasi mentis ac naturæ.

Quid tamen est ? Fieri posse , ut qui affectibus præditus est , prudentius de singulis statuat , quàm qui destitutus : hic Bonus est.

Accedit ratio rebus , & affectus velut subsidia quædam & instrumenta imperii habet : hæc Boni prærogativa est.

Quocirca , neque omnia Regi , neque omnia Legi deferenda sunt. Supplebit etiam Rex Vnus , quod Legi non uni deest.

Vnus , inquam , nisi omnes potiùs Vnius instar , & ab omnibus potiùs Leges suppleantur , ut Leges sint

Ita usu venit ; conveniunt omnes , ut causas cognoscant , ut deliberèt , ut judicent ; & de rebus singulis

Atq ; hi omnes , ut singuli quoq ; sunt , cum uno collati Rege , minùs  
fortè

fortè idonei: magis, ut omnes.

Epulum vide, & Civitatem intel-  
liges: Publicum enim & collativum  
longè luculentius est, quàm priva-  
tū, & unius sumptibus instructum.

Meliùs sic etiam de multis Mul-  
titude judicat, quàm Vnus, quam-  
vis multorum loco sit.

Imò non tam facilè corruptioni  
Multitudo cedit, quia Multitudo.

Hanc in aqua naturam vides:  
rarior putrescere faciljùs solet, &  
infici; uberior conservatur.

Iam verò Vnus, qui sumus est, sive  
irâ, sive alio affectu oppressus, om-  
nem judicii integritatem amittit.

Quid plures? non irascuntur &  
errant simul omnes, quia plures.

Plures, sed boni, & qui à Lege  
non recedant, nisi ubi ipsa deficiat.

Esto etiam, Omnes verè bonos  
non esse, ubi plures; aliqui tamen e-  
runt, inter plures. Sed

Sed hi pauci , hi boni; quia Vno illo plures sunt , difficilius succumbent corruptioni, quàm Vnus.

An fortassis facilius quoq; seditio-  
ni, quàm Vnus? Nequaquam: omnes enim Viri sunt boni, ut ille Vnus.

Quare si plurium, sed bonorum imperium Aristocratia est , Vnius Monarchia , sive Regnum; aptior sanè Civitatibus Aristocratia erit, quàm Regnum.

Aptior , inquam, sive adstricta legibus, sive soluta; si tamen pauci illi ( quod rarum est ) boni omnes sint , & mentis bonæ.

Hinc etiam apud Antiquos, Regnum ferè ubiq; obtinebat ; quia difficile erat, plures excellenti Virtute , reperire.

Imò , sicut parvæ principio Civitates erant ; ita aptiores quoque ab Vno regi.

Præte-

Prætereà , Populi creabant sibi Reges , quibus beneficio obstricti erant : Beneficium enim bonorum Virorum opus ac munus est.

Cùm deinde ad Virtutem plures assurgerent, fastidire rursus Reges Populus cœpit , tutiorem ratus statum , qui communis & æqualis esset : atq; hâc origine Respublicæ constitutæ.

Prævaluit mox privatum è publico lucrum , & quia Virtus post nummos fuit , Oligarchia subnata.

Hinc ad Tyrannidem itum : è Tyrannide rursus , quasi Imperiî quodam circulo ad Rempublicam , sive Democratiam : isthîc paucis ab uno oppressis, hîc uno à multis.

Etenim paullatim ad pauciores redactâ potestate , cùm avaritiæ studio teneretur , vires populo additæ, qui in surgēs, tandem sibi Rempublicam vindicavit.

Quid



Quid etiam? postquam multiplicato populo crevere Civitates, vix alius esse status potuit, quam qui à populo regeretur.

Si tamen ab Vno optimum, quid de Liberis Vnius statuendum? An succedent? Sed quid si degeneres dissimilesq;? perniciosi erunt.

Rex, inquires, quia bonus, Regnum, quod in potestate sua habet, non relinquet liberis, quos sciet esse malos.

Sed id profectò & supra fidem Virtutis est, & supra naturam patris, quæ virutem vincit.

Quæstio demum oritur, An qui regnaturus, armatâ se manu muniet, ut tutus sit, & ad officium obstrepentes compellat: quomodò enim aliter regnet?

Et si enim, legitimè Regnum natus sit, ac nihil arbitrio suo præter

L S                      leges

248 CIVILIS DOCTR.  
leges faciat; indiget tamen subsidio, ut leges tueatur.

Sed nulla de hoc quidem Rege difficultas est. Nam ut munitus sit, æquissimum est: ita tamen ut uno aut pluribus potentior sit, multitudine totâ inferior.

In hunc finem, & hoc modo Æsymnetis, aut Tyrannis custodes olim dati: item Dionysio, sed petenti, à Syracusanis.

## CAPUT XII.

*Regnum plenissimum, &  
summæ potestatis.*

**I**N Scenam nunc Politicam Rex alter veniat, qui plenâ potestate Rex est, & pro sua gerit voluntate omnia.

Laconicus enim ille, & qui Legi obnoxius, distinctam Reip. formam non facit; sed ubiq; invenitur.

Vbiq;ue

Vbique enim, tam in Democra-  
tia, quàm in Aristocratia, unus esse  
belli Dux potest, cui & summum  
& perpetuum imperium deferatur.

Alibi quoq; & populus, & Opti-  
mates penes Vnum aliquem supre-  
mam sinunt regiminis potestatem  
residere, salvo interim & Populi ju-  
re, & Optimatum.

Epidamni nimirum, & Opunte  
hujusmodi Regnum est, si Regnum  
tamen: minori etiam imperio O-  
punte, quàm Epidamni.

Summum Regnum examinédi-  
gnum est, quo in omnes Vnus ple-  
nam potestatem arbitrato suo ex-  
ercet.

Existimant nonnulli, alienam  
à naturâ hanc Vnius potestatem es-  
se, quando omnes jure ac conditi-  
one pares sunt, ingenui, non servi.

Sequitur enim, ut qui pares sunt  
naturâ,

naturâ, pares etiam jure ac dignitate ex naturæ lege censeantur.

Nempe, ut non sine noxa corpora hominum, cùm inæqualia sunt, æquali nutrimento cultuq; utantur: ita nec Cives honoribus.

Sed inæqualia tribuere æqualibus iniquum planè est.

Postulat igitur ratio, ut qui æquales sunt, æquo jure & imperent & pareant, ipsâ, ut ita dicam, vicissitudine æquales.

Vicissitudo autem hîc jus est, jus ordo, ordo lex: & vivitur ex lege, ubi ordo vicissitudinem facit.

Optabilius sic quidem, penes Legem, quam penes Vnum aliquem Civium imperium esse.

Et lex ipsa exigit, ut si multi & pares sint, vicissim imperent: vetat, ne si Vnus, & supra legem sit, multis imperet, qui pares sunt.

Hâc

Hâc etjam ratione , cùm necessum sit aliquos imperare: haud aliter quàm Custodes ac Ministri Legum constituendi sunt, ut rectè imperent.

Sine Imperio quidem ac Magistratu esse Civitas nequit: sed Vnum aliquem præesse, cùm omnes æquales sunt Vni, injustum sit.

At enim non facilè decîdere homo poterit , quod non potuit Lex. Quia ut de singulis Lex non statuit; ita nec homo. Singula enim sub scientiam non cadunt.

Sed quid præivît Lex, supplebit ex æquitate Magistratus , quæ ommissa sunt ; imò corriget , quæ fortassis non rectè scripta ac constituta sunt.

Dicunt etiam , & fortassis non malè : Legem velut mentem esse , sed puram & tranquillam ; homi-

nem

nem affectibus obnoxium, & à recto in transversum aberrare.

Ideoque si quis Legi committat imperium, adjungi Deum videri; si quis Homini, belluam.

Ira sanè & Cupiditas velut belluæ sunt; & Viri Boni, quia homines, ab homine sæpè abeunt: sinistro enim solent animi imperu à lineâ Rationis declinare.

Si Lex verò mens est, sine Ira, sine Cupiditate est; imò sine caligine cæca, ut maximè videat.

Similitudo igitur à Medicinâ desumpta: *Per Medicum potius, quàm regulas curari morbos, plus captio- nis, quàm veri habet.*

Alia enim medentis, alia imperantis ratio est. Ille nihil in curatione gratiæ aut amoris concedit; sed mercede suâ contentus est: hic concedit, quia ad potestatem affectus adfert.

Si

Si fortè Medicum æger suspicetur ab inimicis lucro corruptum esse, non est dubium, quin è regulis artis curari malit.

Medicus quidem si ægrotet, non artem ipse sibi, sed alium Medicum adhibet: & Magistri Palæstræ, alios Magistros, cùm ipsi exercentur.

Quasi rectè non judicent, quia de se rebusq; suis judicant, & amore sui impediantur.

Omninò, qui Iusquærit, modum quærit, quo rectè judicet. Hic autem modus, Lex est, velut unica justî norma.

At verò Leges vel moribus receptæ, vel tabulis scriptæ. Et illæ quidem majoris auctoritatis, deq; rebus majoribus.

Sed homo, qui Legibus præest, non scriptis, sed receptis stabilior erit. Tutius enim sequetur, quod multi

254 CIVILIS DOCTR.

multi statuerunt rectum esse, quàm quod Vnus.

Iam verò Vnum videre multa, & intelligere, difficile est.

Vt igitur Vnus regat, multi simul, sed minori auctoritate regant fas est, & constituentur ab Vno.

Si Multi verò, cur non potius ab initio, & loco Vnius?

Prætereà, Si, ut diximus, Vir Bonus, quia melior aliis Bonis, imperio dignus est; duo sanè Boni uno erunt meliores.

Huc illud Diomedis apud Homerum, comitem sibi postulantis, *Σύντε δὲ ἐρχομένω, Congressi duo: & Agamemnonis votum, Τοῖσ' τοι δέκα καὶ μοι συμφραδμόνες, Sint mihi consilio bis tales quinque!*

Sunt etiam alibi hodiè hoc munere Magistratus; ut tanquàm iudices de iis duntaxat decernant, quæ  
ambigua,



ambigua, aut obscura Lex reliquit?

Quia igitur quædam comprehensa sunt Legibus, quædam non sunt; dubitare licet, ac sciscitari; Legem optimam, an Virum optimum præstet in Republicâ sequi:

De rebus enim singularibus, quæ in deliberationem veniunt, Lex statuere non potest: homo potest.

Sed solus, an plures? Omnis enim Magistratus, Legis præscriptum sequens, rectè judicabit.

Et quis dixerit, Vnum aliquem hominem binis oculis auribusque plus videre & audire, & binis manibus pedibusque plus præstare, quàm multi multis?

Præsertim, cùm Reges passim Ministros sibi hodiè, in quibus plures habeant oculos & aures, manus & pedes, assumant:

Hi

Hi Amici sunt, & in societatem Regni, quia Amici; in partem laborum, quia socii, assumuntur.

Amici, quia Regi & Regno addicti: pares quoque similesque, quia Amici.

Proinde, si digni Amicitia, quia pares; digni quoque administratione, quia Amici.

Atque hæc sunt, quæ jus Regium videntur oppugnare: in quibusdam vera, in quibusdam falsa.

Nonnulli enim homines ita naturâ facti; ut sub Herili bene agant imperio; alii, ut sub Regio; alii, ut sub Civili.

Tyrannis verò gravis & iniqua est; quia contra naturam: ut & reliquæ formæ, quæ ab optimis deflectunt.

Et hæc quidem nullum jus noverrunt; quippe injustæ: nullum etiam publi-

publicum bonum: quisq; enim spectat suum.

Quæ summa est, dixeris, neq; iustum, neq; utile esse, ut unus aliquis ex omnibus & æqualibus Dominus sit omnium.

Nec esse, siue nullæ sint Leges, & Unus ille sit pro Lege; siue sint, & è præscripto gerantur omnia.

Nec referre, an Unus ille sit bonus, ac præsit bonis, an malus, & præsit malis: quamvis etiam virtute inter alios bonos emineat; nisi certo quodam modo.

Modus hic intelligi nequit, nisi prius, quoniam Regio subijci imperio apti sint, quoniam Optimatum, quoniam Civili, explicetur.

Regio quidem, qui Unius siue viri, siue etiam familiæ præstantioris ferre amant imperium, sed virtutis, & sic boni imperii,  
quod

quod virtutem sequitur, causâ.

Optimatum, qui non Unius, sed plurium: soliti scilicet liberorum & ingenuorum more gubernari.

Civili, denique, qui naturâ suâ bellicosi, ut imperii capaces, ita obsequii patientes, sed è Lege, quæ divitibus, & dignis imperium defert.

Cum igitur, vel familia tota, vel Unus aliquis virtute suâ imperium præ cæteris meretur; hanc Regiam esse, hunc Regem esse convenit, jure, ratione, naturâ.

Jure, quod Auctores Conditoresque Rerumpublicarum in omni statu agnoscunt, Præstantiæ deferentes imperium; quamvis diversè eam definiant.

Ratione, quæ Præstantem virum non finit vel è medio tolli, vel exilio pelli, vel Ostracismo ablegari, vel aliorum imperio subjectum esse.

Naturâ

Naturâ, quæ partem præferri toti recusat : Unius autem virtus viri, quâ reliquos superat, velut totum est ; partes, quicquid in reliquis commendetur.

Supereſt igitur, ut Uni, & ſic Eminentî, morem reliqui gerant : Unus autem reliquis Unus ſit & imperet.

Hæc de Regno, cujus differentiæ explicatæ : item, An utile Civitatibus, ab Uno regi, quibus, & quomodo.

Quia verò tres duntaxat Rectæ Rerum publicarum formæ ſunt ; optima ea, quæ ab optimis gubernatur.

Sed optimi, præſtanti virtute optimi ſunt : vel Unus, ſive familia una ; vel multitudo, parere, & præeſſe nata, ad vitam maximè optandam omnia dirigens.

Dictum quoque, Eandem Viri Boni  
&


& Civis in Civitate benè constitutâ Virtutem esse, & necessariò esse.


Ac proinde, eâdem ratione, quâ quis Vir efficitur Bonus, universam quoq; Rempublicam, tam Aristocraticam, quàm Regiam fieri ac constitui.

Eandem igitur esse disciplinam & institutionem VIRI & CIVIS BONI; qui privatim se, publicè si-ve Rempublicam, si-ve Regnum moderetur.

Sequitur, ut de Optima deinceps Republicâ acturus, ostendam pariter, quomodò rectè, & naturæ congruenter instituat.

## LIBRI TERTII FINIS.






## CENSURA.


**Q***Væ Philosophus de Doctrinâ  
Civili tribus primis libris fusè  
scripsit, hæc intra has Lineas Cla-  
rissimus Vir ERYCIUS PUTEA-  
NUS dilucido & eleganti stylo com-  
prehendit, ex quibus utilitatem  
multiplicem haurire licebit, post-  
quam in lucem iverint. Datum  
Lovanii die 2. Septembris, 1645.*

JACOBUS PONTANUS  
S. Theol. Doctor, Apostoli-  
cus & Regius Librorum Cen-  
sor.









Biblioteka Jagiellońska



stdr0006197

